

元遺山先生全集

上面

卷九至卷十二

七言律詩

五言絕句

六言

七言絕句



元遺山先生集卷第九

元張德輝頤齋類次

七言律詩

望崧少二首

崧少飛來崑閬山
山家茅屋翠微間
雞豚鄉社相勞苦
花木禪房時往還
結習尙餘三宿戀
殘年多負半生閒
長河一葦人千里
望斷西城碧玉環

飲鶴池邊萬木稠
養龍崖上五峯秋
藤垂絕壁雲添潤
澗落哀湍雪共流
田父占年驚玉旆
詩僊畱迹歎崑丘
西風落日山陽道
空對紅塵憶舊遊

飲鶴池在緜山養龍崖在五乳峯下

遺山先生集卷九

懷州子城晚望少室

河外青山展臥屏
井州孤客倚高城
十年舊隱拋何處
一片傷心畫不成
谷口暮雲知鄭重
林梢殘照故分明
洛陽見說兵猶滿
半夜悲歌意未平

別覃懷幕府諸君二首

王後盧前舊往還
江東渭北此追攀
百年人物存公論
四海虛名只汗顏
詩酒聊堪慰華髮
衡茅終擬共青山
相思後日井州夢
常在瑤林照映間

太行醜秀在山陽
嵇阮經行舊有鄉
林影池煙設清供
物華天寶借餘光
承平故事嗟猶在
雅詠風流豈易忘
稍待



秋風入涼冷百壺吾欲醉籌堂

河內有七賢鄉

羊腸坂

浩蕩雲山直北看凌兢羸馬不勝鞍老來行路先愁遠貧
裏辭家更覺難衣上風沙歎憔悴夢中鐙火憶團欒憑誰
爲報東州信今在羊腸百八盤

高平道中望陵川二首

此縣先隴城府君泰和中舊治

列宿徵明墨綬尊中臺良選到名門來時珥筆誇健訟去
日攀車餘淚痕一片青山幾今替百年華屋記生存泰和
遺老今誰在向道甘棠有子孫

遺山先生集卷九

一一

下歌童盡雅辭棠棣有花移舊巧櫻桃和露鞞繁枝書郎
零落頭今白腸斷荷衣出拜時

棠棣櫻桃皆當時事

野谷道中懷昭禪師

行行汾沁欲分疆漸喜人聲挾兩鄉野谷青山空自繞金
城白塔已相望湯翻豆餅銀絲滑油點茶心雪蕊香說向
阿師應被笑人生生處果難忘

太原

夢裏鄉關春復秋眼明今得見并州古來全晉非無策亂
後清汾空自流南渡衣冠幾人在西山薇蕨此生休十年
弄筆文昌府爭信中朝有楚囚

外家南寺

在至孝社子兒時讀書處也

鬱鬱秋梧動晚煙一庭風露覺秋偏眼中高岸移滄谷愁裏殘陽更亂蟬去國衣冠有今日外家梨栗記當年白頭來往人間徧依舊僧窗借榻眠

追賦定襄周帥夢卿家秋日牡丹

千古吳中富貴家秋風吹送洛陽花真妃鏡裏春難老玉女車邊日易斜紀瑞定誰增舊譜換根元自有靈砂來遲不及西堂宴猶想分香入棣華

周有棣華堂

桐川與仁卿飲

瀟瀟茅屋繞清灣四面雲開碧玉環已分故人成死別甯遺山先生集卷九

三

知尊酒對生還風流豈落正始後詩卷長畱天地間海內斯文君未老不須辛苦賦囚山

過濁鹿城與趙尙賓談山陽舊事

廢邑蕭條落照邊山陽遺迹世空傳肺腸未潰猶可活灰土已寒甯復然負鼎運來元有力考槃人去更堪憐因君憶得曹瞞事銅雀臺荒又幾年

官園探梅同康顯之賦

柳麥榆椒寂寞邊儘饒梅事得春偏畱殘瘦骨猶堪畫未展幽香已可憐千里移根自何許數枝臨水記當年開時重約花前醉試手東風第一篇

十二月十六日還冠氏十八日夜雪

少日鸞飛掣臂鷹只今癡鈍似秋蠅耽書業力貧猶在涉
世筋骸老不勝千里關河高骨馬四更風雪短檠燈一餅
一鉢平生了慚媿南窗打睡僧

別康顯之

玉川文字五千卷鄭監才名四十年誰謂華高吾豈敢恥
居王後子當然河亭笑語歸陳迹里社追隨失後緣後夜
并州月千里南窗尊酒且畱連

寄楊飛卿

客夢悠悠信轉蓬蓼牀殷殷動晨鐘西風白髮三千丈故

遺山先生集卷九

四

國青山一萬重沙水有情畱過雁乾坤多事泣秋蟲三閭
老屋知何處慚媿雲間陸士龍

雨夜

夢裏孤篷雨打秋茅齋元更小於舟無錢正坐詩作祟識
字重爲時所讐千里謾思黃鶴舉六年眞作賈胡畱并州
北望山無數一夜砧聲人白頭

東平送張聖與北行

天山曾望使車還官柳青青此重攀去國衣冠元易感中
年親友更相關籜雲自可無千里隱霧難教見一斑海內
文章在公等不應空老道途間

別張御史

特立字
文學

晚學天教及老成翰林詩裏羨鴻冥

馮內翰丈贈御史詩
有鴻冥雉媒之句

輦瓢此日歸顏巷銅墨當時動漢庭華袞謾勞紆直筆

見貽之作
過有褒拂

絳帷無復與橫經祇應千里井州道常並虛危

候德星

出東平

老馬凌兢引席車高城回首一長嗟市聲浩浩如欲沸世
路悠悠殊未涯潦倒本無明日計往來空置六年家東園
花柳西湖水賸著新詩到處誇

再到新衛

遺山先生集卷九

五

蝗旱相仍歲已荒伶俜十口值還鄉空令姓字喧時輩不
救飢寒趨路傍行帳馬嘶塵瀕洞空邨人去雨淋浪河平
千里筋骸盡更欲驅車上太行

別冠氏諸人

戊戌秋八
月初二日

東舍茶渾酒味新西城紅豔杏園春衣冠會集今爲盛里
社追隨分更親分手共傷千里別低眉常媿六年貧他時
細數平原客看到還鄉第幾人

入濟源寓舍

戊戌八月
二十二日

未辦驅車上太行主人畱此避風霜遺編墜簡文章爛糲
食麤衣歲月長奮迅舊嫌扶老杖龍鍾今屬負暄牆睡中

刺刺聞人語季子金多過洛陽

鎮平縣齋感懷

四十頭顱半白生靜中身世兩關情書空咄咄知誰解擊
缶鳴鳴卻自驚老計漸思乘款段壯懷空擬謾崢嶸西窗
一夕無人語挑盡寒燈坐不明

野菊再奉座主閑閑公命作

晚景蕭疎畫不成晚花作意出繁英鮮明獨向霜露見爛
漫卻隨蒿艾生南國騷人知有待西風胡蝶更多情南山
正在悠然處安得芳尊與細傾

五月十二日座主閑閑公諱日作

遺山先生集卷九

六

曆火誰能救已然直教憂疾送華顛贈官不暇如平日草
詔空傳似奉天故壘至今埋恨骨遺宗何力起新阡門生
白首渾無補陸氏莊荒又一年

四哀詩

李欽叔

赤縣神州坐陸沈金湯非粟禍侵尋當官避事平生恥視
死如歸社稷心文采是人知子重交朋無我與君深悲來
不待山陽笛一憶同衾淚滿襟

冀京父

先公藻鑑識終童曾拔崑山玉一峯不見連城沽白壁蚤

聞烈火燎黃琮重圍急變紛紛口九地忠魂耿耿胸欲弔
南雲無覓處士林能不泣相逢

李長源

冀都事死東州禍李翰林
陝府兵方爲騷人箋楚些更
禁書客墮秦坑石苞本不容
孫楚黃祖安能貸禰衡同甲
四人三橫實此身雖在亦堪驚

王仲澤

太學聲華弱冠馳青雲岐路九霄飛
上前論事龍顏喜幕下籌邊犬吠
稀壯志相如頭碎柱赤心嵇紹血
沾衣從來聖牘褒忠義誰爲幽魂
一發揮

遺山先生集卷九

七

過詩人李長源故居

楚些招魂自往年明珠真見抵溪淵
巨鼇有餌雖堪釣怒虎無情可重編
千丈氣豪天也妒七言詩好世空傳
傷心鸚鵡洲邊淚卻望西山一泫然

己亥十一月十三日雪晴夜半讀書山東龕看月

四山寒雪夜深明未恨崔嵬失舊青
青女有功加粉澤素娥無意惜娉婷
微雲河漢非人世太古鴻荒見典刑
臚著新詩記今夕年年來醉半山亭

明日作

晴光晃漾入危闌萬象都歸一色看
搖筆尙堪凌浩蕩舉

杯誰與慰荒寒化成銀界清涼近散盡冰花碧海乾後夜
霜空月輪滿可無秦女共驂鸞

杏花二首

庚子歲
南庵賦

芳樹春融絳蠟凝春風寂寞掩柴荆畫眉盧女嬌無奈齟
齬孫娘笑不成已怕宿妝添蝶粉更堪煖蕊鬧蜂聲一般
疏影黃昏月獨愛寒梅恐未平

一穗蘆鞭一穗塵西園紅豔眼中新帽簷分去家家喜酒
面飛來片片春梅柳幾會同故事櫻桃纔得綴芳辰荒城
此日腸堪斷老卻採花筵上人

醉後

遺山先生集卷九

八

蚤歲披書手不停中年所得是忘形天公不禁人間酒崔
瑗虛畱座右銘身後山工幾春草醉來日月兩秋螢柴門
老雨青苔滿一醉狂歌且自聽

賦南中楊生玉泉墨

墨不用松煙
而用鑿煤

萬竈玄珠一唾輕客卿新以玉泉名御團更覺香爲累冷
劑休誇漆點成沈袖秦郎無藉在畫眉張遇可憐生晴窗
弄筆人今老孤負松風入硯聲

宮中以張遇麝香
小團爲畫眉墨

贈張文學御史

安穩藜牀坐欲穿合教絕學到真傳清貧自苦知何負神
理無憑恐未然麋乳尙憐孤竹餓龍頭誰識管甯賢無窮

白日青天在會有先生引鏡年

先生新
失明

寄荅飛卿

一首新詩一紙書喜於滄海得遺珠古來獻玉猶難售此
日聞韶本不圖白雪任教春事晚青天終放月輪孤并州
命駕纔千里稽呂風流未可無

畱別龍興汴禪師普照鑑禪師

十年不見木庵師二老相從又一時俚曲只知無白雪遺
音誰謂有朱絲書難盡信何如默人各爲家枉自私三月
春風滿桃李青青畱看歲寒枝

赤石谷

遺山先生集卷九

九

林罅陰崖霧杳冥石根寒溜玉玎玲雲來朔漠疑秋蚤山
近清涼覺地靈靜愛鳥聲存野調鬧嫌人迹帶塵腥南臺
說有金銀氣可是并汾處土星

繫舟山僧徒謂之小五臺
九月中時有景星如佛光

贈楊君美之子新甫

書林頭白坐吟呻青佩橫經更幾人總角未逢韓吏部伏
膺先就楚靈均岳蓮盡發三峯秀玉樹初含二月春看取
楊家伯男子今年天壤姓名新

含一作生
一作臨

灑亭同麻知幾賦

零落棲遲復此遊一尊聊得散羈愁天圍平野莽無際水

繞孤城間不流元是漢字知幾爲子改作間字柳意漸回淮浦煖雁聲仍帶塞門秋登高望遠令人起欲買煙波無釣舟

荅公茂

文昌除目入驚看似覺規摹到漢官冀北已空天下馬江東全倚謝家安黃圖赤縣風流在碧落銀河病眼寬林下升平有他日草堂應許駐金鞍

過應州

平野風埃接戍樓邊城三月似窮秋人家土屋纔容膝驛路旂車不斷頭隨俗未甘嘗馬湏敵寒直欲御羊裘十年紫禁煙花繞此日雲山是應州

遺山先生集卷九

應州寶宮寺大殿

縹渺層簷鳳翼張南山相望鬱蒼蒼七重寶樹圍金界十色雲華擁畫梁竭國想從遼盛日閱人真是魯靈光請看孔釋誰消長林廟而今草又荒

懷安道中寄懷曹徵君子玉

赭水歡游事已非襄山回首重依依義熙畱在陶元亮華表來歸丁令威袖裏短書懷老筆夢中蟠腹見袞衣祝君飽喫殘年飯會有鄰牆白版扉

五月十一日檇軒老忌辰追懷

遺後交情老更傷每逢此日倍難忘神光何處理泉壤落

月無言滿屋梁祕閣圖書疑外府謝家蘭玉記諸郎靈均
謾倚騷經在宗國河山半夕陽

公墓今爲亂冢
所迷故有上句

感事

富貴何曾潤髑髏直須浙米向矛頭血讐此日逢三怨風
鑑生平備九流瓢飲不甘顏巷樂市鉗真有楚人憂世間
安得如川酒力士鐙頭醉死休

玉溪

端氏

邂逅詩翁得勝遊煙霞直欲盡崧工玉溪如此不一到今
日曠然消百憂林影蒼茫開霽曉岸容瀟灑帶新秋酒材
已辦須君釀要及西風入釣舟

遺山先生集卷九

華不注山

濟南作

元氣遺形老更頑孤峯直上玉孱顏龍頭突出海波沸鼇
足斷來天宇閒齊國伯圖殘裏謫僊詩興冷雲間乾坤
一劍無人識夜夜光芒北斗寒

岳解元生日

邦獻

天日晴明見岳時只君消得謫僊詩鶯花到處供杯酒霜
雪何緣點鬢絲已辦紫雲新活計又添驥子好男兒扶風
里社他年看鬧簇靈椿桂五枝

感興

夜宿讀書山作

倚梯從管望煙霄七葉何人竟珥貂道路常教車歷鹿功

名惟有鬢飄蕭勤如韓子初無補晚似馮公豈見招五十年等閒裏一窗風葉雨瀟瀟

晨起

壬寅正月九日

鐙火青熒語夜闌柴荆寂寞掩春寒歡悰已向杯中減老態何堪鏡裏看多病所須惟藥物一錢不直是儒冠掣鯨莫倚平生手只有東溪把釣竿

時欲經營神山別業故云

送周帥夢卿之關中二首

狼藉麻衣見酒痕憶君醉別柳邊邨離愁擾擾理還亂來事悠悠誰與論瘴海漸添春浪闊冰崖惟覺暮煙屯人間底似三峯好箭筈通天有一門

道山先生集卷九

十一

風華漠漠水迢迢長記金鞍入灞橋鬢鬢而今滿霜雪羽毛此日是雲霄火餘函谷青猶峙春動長陵紫未消射虎南山付公等可能僊掌不相招

感事

舐痔歸來位望尊駸駸雷李入平吞飢蛇不計撐腸裂老虎爭教有齒存神理定須償宿業債家猶足視驚魂且看含血曾誰喚豬背關頭是鬼門

十月二十日雪中過石嶺關

老天黯慘入平蕪朔吹崩奔萬竅呼雪意旋妝行路景詩家新有入關圖地鑪圍坐慙田父絮帽衝寒怨僕夫故國

煙花重回首蜀橙山麝記金壺

將上書華國幕府感懷呈賈明府

兵家世不乏小杜風鑑今誰如老龐自許奇謀傾幕府不妨幽夢落篷窗驚鳥繞月枝難穩羸驥嘶風氣未降愛惜平生請纓手一箕休憶弄秋江

春寒

草木荒城屋數椽春寒閭巷益蕭然僮奴樵爨頭如葆稚女跳梁履又穿白石鯉魚空尺半朱門食客自三千松枝塵尾山中滿去去南華有內篇

卽事

商帥國器見免從軍

遺山先生集卷九

三

逋客而今不屬官住山盟在未應寒書生本自無燕領造物何嘗戲鼠肝會最指天容我嬾鴟夷盛酒盡君歡到家慈母應相問爲說將軍禮數寬

示懷祖

憔悴經年臥澗阿囊中無物只詩多自驚白鬢先潘岳人笑藍衫似采和狗盜雞鳴皆有用鶴長鳧短果如何乘閒便作歸田賦付與牛童扣角歌

示崔雷詩社諸人

一寸名場心已灰十年長路夢初回江山自許供詩筆糜粥猶能到酒杯賣劔買牛真得計腰金騎鶴恐非才游從

有結雞豚社便約歲時相往來

宏州贈曹丈子玉

邛園舊憶詢幽仄
裘褐今聞識姓名
故國衣冠有遺老
歲寒松柏見交情
寄書千里空頭白
握手一杯俱眼明
來往襄陰從此始
賸將歌笑慰生平

和仁卿演太白詩意二首

蕭蕭窗竹動秋聲
紫極深居稱野情
靜坐且畱觀眾妙
還丹無用說長生
風流五鳳樓前客
寂寞千秋身後名
解道田家酒應熟
詩中只合愛淵明

道山先生集卷九

十四

蕭蕭窗竹動秋聲
簷間白雲澹以成
白雲朝飛本無意
白雲暮歸如有情
淵明太白醉復醉
季主唐生鳴自鳴
四十九年堪一笑
昨非今是可憐生

燕府白兔

僊穎迷離望莫攀
爭教失腳下高寒
吸殘灑露瑤窗曉
擣盡玄霜玉杵閒
顧影乍疑雲外見
寫生何似鏡中看
褐衣擾擾皆三窟
幾在祥經咳唾間

梁都運亂後得故家所藏無盡藏詩卷見約題詩同

諸公賦

飛亭四望水雲寬
亭上高人杳莫攀
已就湖山攬奇秀
更教鄉社得安閒
風流豈落正始後
詩卷常畱天地間
勝賞

休言隔今管肩吾新自會稽還

出都二首

漢宮會動伯鸞歌事去英雄不柰何但見觚棱上金爵豈
知荆棘臥銅駝神倦不到秋風客富貴空悲春夢婆行過
盧溝重回首鳳城平日五雲多

歷歷興亡敗局棊登臨疑夢復疑非斷霞落日天無盡老
樹遺臺秋更悲滄海忽驚龍穴露廣寒猶想鳳笙歸從教
盡剗瓊華了畱在西山儘淚垂

壽甯宮有瓊華島絕頂廣寒殿近爲黃冠輩所撤

癸卯望宿中霍道院

疊巘沈沈轉素蟾長松栩栩擁高簷湖山已爲新晴好風

遣山先生集卷九

十五

露還疑此夜添身外作緣良自苦世間除睡更無甜溪堂
借宿從今始便約兒童具米鹽

甲辰三月旦日以後雜詩二首

應接紛紛又浹旬枉教虛負杏園春尋芳自分無閒日載
酒甯知有故人花柳得時俱作態川原經雨更無塵憑君
莫惜尊前醉看卽青梅入座新

蹴蹴猩紅鬧曉晴攢頭真似與春爭舒開楊柳聊相映瘦
殺寒梅枉自清粉豔低回工作態絳脣寂寞獨含情畫圖
只愛殘妝好未信徐郎解寫生

密霧輕塵細灑勻綠雲紅雪一番新風光爛漫供歡席酒

味清醇似主人落落湖山如有喜欣欣魚鳥亦相親新詩
寫入奚奴錦從此他鄉不算春

紫牡丹三首

金粉輕黏蝶翅勻丹砂濃抹鶴翎新儘饒姚魏知名蚤未
放黃徐下筆親映日定應珠有淚陵波長恐韉生塵如何
借得司花手徧與人間作好春
夢裏華胥失玉京小闌春事自昇平只緣造物偏畱意須
信凡花浪得名蜀錦浪淘添色重御鑪風細覺香清金刀
一剪腸堪斷綠鬢劉郎半白生

天上真妃玉鏡臺醉中遺下紫霞杯已從香國偏薰染更
遺山先生集卷九

十六

借花神巧翦裁微度麝薰時約略驚移鸞影卻低回洗妝
正要春風句寄謝詩人莫漫來

與同年敬鼎臣宿順天天甯僧舍

蕭蕭風雨打僧窗耿耿青鐙對客牀每恨相望隔關塞豈
知連日醉壺觴萍齋味薄堪長久茅屋寒多且閉藏三十
餘年老兄弟此回情話獨難忘

贈荅樂丈舜咨

中京副
留守

舟車何地得通津書疏相忘意更親但愛柏臺推峭直豈
知梅賦更清新兩都秋色皆喬木耆舊風流有幾人詩酒
陪從約他日雞川已許濯纓塵

都運李文哀挽

有之

平日剛棱觸禍機，老年天遣故鄉歸。
登車攬轡名空在，濯足臨流事已非。
白鶴會須尋舊約，青蠅猶解避餘威。

李文哀歿於

王寅夏六月異香滿室三日蠅不近

西州正有花千樹，淚盡羊曇醉後衣。

贈荅郝經伯常伯常之大父余少日從之學科舉

故家珠玉自成淵，重覺英靈賦子偏。
文陣自憐吾已老，名場誰與子爭先。
撐腸正有五千卷，下筆須論二百年。
莫把青春等閑了，蔡邕書籍待渠傳。

呂國材家醉飲

世事悠悠殊未涯，七年回首一長嗟。
虛傳庾信凌雲筆，無遺山先生集卷九

十七

復張騫犯斗槎，去國衣冠有今日。
春風桃李是誰家，螺臺賸有如川酒，暫爲紅塵拂鬢華。

洛陽

千年河岳控喉襟，一日神州見陸沈。
已爲操琴感衰涕，更須同輦夢秋衾。
城頭大匠論蒸土，地底中郎待摸金。
擬就天公問翻覆，蒿萊丹碧果何心。

過三鄉望女兒邨追懷溪南詩老辛敬之二首

雲際虛瞻處士星，案頭多負讀書螢。
筆端有口傳三篋，石上無禾養百齡。
從管葛陂終變滅，祇今韓嶽漫英靈。
因君重爲前朝惜，枉破青衫買一經。

女兒山土人謂之韓嶽

萬山青繞一川斜，好句真堪字字誇。棄擲泥塗豈天意，折除時命是才華。百錢卜肆成都市，萬古詩壇子美家。欲就溪南問遺事，不禁衰涕落煙霞。

爲鄧人作詩

再見州人本不期，相畱相挽忍相違。攜盤渭水堪流涕，種柳金陵已合圍。事去恍疑春夢過，眼明還似故鄉歸。題詩未要題名字，今是中原一布衣。
堪一作空金
陵一作金城

贈張主簿偉

江岸墳荒草棘秋，朱陽南下重君憂。弓刀近塞人煙少，林壑經霜虎迹稠。究竟畏途知有漸，激昂高義報無由。從今

遺山先生集卷九

六

弟妹通家了，莫向瓜田認故侯。

戒爲究竟伴
能過險惡道

望盧氏西南熊耳嶺

不到中鄉十五年，忽驚行色是盧川。已占介福歸王母，未信羈魂似粵阡。
柳文時爲顧存慙吏報先夫人墓亂後故
吏輩歲時致祭 偶成期會殆天憐。
馬范二師遠在千里外
子往盧氏皆得會面 荒林破屋江聲裏

坐想孤城一泣然

寄劉繼先

清霜茅屋耿無眠，坐憶分攜一慨然。楚客登臨動歸興，謝公哀樂感中年。淒涼古驛人煙外，迤邐荒山雪意邊。千樹春風水楊柳，待君同繫晉溪船。

寄楊弟正卿

馬迹車塵漫白頭蒼生初不待君憂且從少傳論中隱儘
要元規擁上流東閣官梅動詩興洞庭春色入新筩歸程
未覺西庵遠夜夜清伊繞石樓正卿西庵以名酒甲洛中嘗賦觀漲詩有狂瀾竟逐西風落依舊清溪繞石樓之句故兼及之

爲鮮于彥魯賦十月菊追錄

清霜浙浙散銀沙驚見芳叢閱歲華借煖定誰畱翠被鍊
顏應自有丹砂秋香舊入騷人賦晚節今傳好事家不是
西風苦畱客衰遲久已避梅花

贈荅同年敬鼎臣

遺山先生集卷九

九

四海屏山放一頭爭教塵土走東州長身奉米侏儒飽束
髮從軍安尉俟千首新詩工作祟百壺清酒未消憂悠悠
世事今如此付與煙波著釣舟安尉舊作妾尉

寄英上人

世事都銷酒半醺已將度外置紛紜乍賢乍佞誰爲我同
病同憂只有君白首共傷千里別青山真得幾時分相思
後夜并州月卻爲湯休賦碧雲

寄荅仰山謙長老渠住招隱

木庵推出謙書記乞與雲林百自由想得驅驢入招隱勝
於騎鶴上揚州眾狙皆喜芋初熟一鳥不鳴山更幽日暮

王城市聲合松風亭上莫回頭

九日登平定湧雲樓故基樓卽閑閑公所建

詩翁曾此宴重陽老樹遺臺認醉鄉流水浮生幾今昔高
秋雲物自淒涼飛來野鶴聊堪喜望隔長鯨又可傷賴是
風流未全減白頭門客有王楊

時王無咎楊子昭在
坐公在郡時學生也

平定鵲山神應王廟

古柳輪囷欲十圍鵲山祠廟此遺基萬金良藥移造化老
眼天公誰耦畛已爲養生誣單豹不應遭網廢元龜半生
磊塊澆仍在擬問靈君乞上池

寄荅商孟卿

遺山先生集卷九

三

竊渺朱絃寂寞心得詩何啻得南金冷猿挂夢山月暝老
雁叫羣江渚淡異縣五年仍隔關荒城連日想登臨書來
且只平安了撥觸離愁恐不禁

荅石子章因送其行

石梁詩好先知名尊酒相逢意自傾寶劔沈埋惜元振鐵
槩豪宕見胡鉦藍田月出多重暈豐嶺霜餘卽大鳴後日
天山望征騎燕鴻歸處是雲程

畱別仲經

來時兒女拜鐙前此日壺觴是別筵聚散共知陰有數笑
談爭遣病相先秋風古道將誰語殘月長庚更可憐雞柵

魚梁一邨落若爲遷似浙江邊仲經方病中故有上句

別周卿弟

晚歲論詩尋見收相從許久重相畱苦心亦有孟東野眞賞誰如高蜀州萬疊寒雲度歸雁孤洲春水澹沙鷗荒城後日思君處風色蕭蕭入白頭

寄叔能兄

星斗龍門姓字新豈知書劍老風塵郎君未省曾開閣王翰何緣得買鄰銀燭對談辭館夜雪梅同醉浙江春祇應千里東州月處處相逢卽故人

賀威卿徐弟得雄

遺山先生集卷九

三

利市金錢四座俱阿卿新喜到充閭跨牛楊朴空願酒秫驥王良已問途桂出孫枝知秀發鳳離丹嶠亦舒徐明年別作飛黃句來賀君家第二雛

寄叔能兄

白日思君處風色蕭蕭入白頭

買鵝取高遷陳萬疊寒雲度歸雁孤洲春水澹沙鷗荒城後日思君處風色蕭蕭入白頭

四風懷策

元遺山先生集卷第九終

元遺山先生集卷第十

讀書山房刻本

元張德輝頤齋類次

七言律詩

追錄洛中舊作

樂府新聲綠綺裘
梁州舊曲錦纏頭
酒兵易壓愁城破
花影長隨日腳流
萬里青雲休自負
一莖白髮儘堪羞
人間只怨天公了
未便天公得自由

東園晚眺

東平

霜鬢蕭蕭試鑷看
怪來歌酒百無歡
舊家人物今誰在
清鏡功名歲又殘
楊柳攙春出新意
小梅畱雪弄餘寒
一詩

遺山先生集卷十

不盡登臨興
落日東園獨倚欄

十一月五日暫往西張

城隈細路入沙汀
絮帽衝風日再經
歉歲邨虛更荒惡
窮冬人影亦伶俜
林煙漠漠鴉邊暗
山骨棱棱雪外青
四十年來此寒苦
凍吟猶記隴關亭

石嶺關書所見

軋軋旂車轉石槽
故關猶復戍弓刀
連營突騎紅塵暗
微服行人細路高
已化蟲沙休自歎
厭逢豺虎欲安逃
青雲玉立三千丈
元只東山意氣豪

陀羅峰二首

念念靈峯四十年一來真欲斷凡緣
鑿開混沌露元氣散
布兜羅彌梵天雲臥無時不閒在樓居何處得超然
殊祥莫詫清涼傳會與茲山續後篇

每恨奇揆負盛年松崖今喜入攀緣
初驚靈鷲多飛石更信金牛有漏天
鄉國登臨乃如此名場馳逐亦徒然
畱詩便與香泉約起本西游第一篇

僧行平陽
僧慧太原

追懷曹徵君

生死論交不易忘一回言別淚千行
空勞結伴歸蓮社無復題詩寄草堂
楚國先賢宜有傳粵阡羈鬼漫思鄉
因君錯怨天公了且道今誰晚節昌

遺山先生集卷十

春日書懷呈劉濟川

鄉社荒殘住不成無端蓬華掩柴荆
流年又見東風菜樂土空懷北斗城
父老只供畱我醉兒童也喜從君行
周侯見說應相笑共隱三泉先有盟

東風菜見
本草菜部

晉溪

石磴雲松著色屏岸花汀草展江亭
青瑤疊磬通懸甕白玉雙龍掣迅霆
地脈何嘗閤今昔尾閭真解泄滄溟
乾坤一雨兵塵了好就川妃問乞靈

弔岳家千里駒

蜀客淒涼土一丘後身還有化身愁
靈椿丹桂偶相值薰

草清霜甯久畱掌中玉雪恩憐在筆底雲煙取次休過眼
空華只如此不如無字卻無憂

七月十二日行狼牙嶺

狼牙路滑馬伶俜老鶴超超欲上征一曲松風寫幽致九
秋雲物愴離情天開員嶠方壺境澗落銀河月窟聲覲面
青山入渠手定誰胸次玉崢嶸

十三日度岳嶺

神岳規模亦壯哉上階絕境重裴回丹青萬木秋風老金
翠千峯落照開川路漸分猶暗澹湍聲已遠更淒哀石門
贖比靈工遠正坐登臨欠一來

遺山先生集卷十

玉泉二首

三

神岳提封入寺基上公官秩見僧碑雲藏佛屋晴猶暗樹
近禪窗老更奇竹杖只供行險易藜牀偏與望川宜同時
不及髯中令猶得泉名比鳳池

玉水泐澗古殿隅又新名第不關渠每因天日流金際更
憶風雷裂石初百里官壺分韻勝千人齋粥薦甘餘八功
德具休誇好玩景臺荒有破除

寺東北有玩景臺盡得神
川之勝導者悞引之荒山

一尖故
有二句

玄都觀桃花

前度劉郎復阮郎玄都觀裏醉紅芳非關小雨能畱客自

是桃花要洗妝人世難逢開口笑老夫聊發少年狂一杯
盡吸東風了明日新詩滿晉陽

贈張致遠

茅屋瀟瀟潁水濱兩山相望卽比鄰禪房道院雷連夜酒
榼書囊浩蕩春老鶴千年見城郭徵君晚節傍風塵相逢
不盡平生意耆舊風流有幾人

夜宿秋香亭有懷木庵英上人

兄弟論交四十年相從旬日卻無緣去程冰雪詩仍在晚
節風塵私自憐蓮社舊容元亮酒藤溪多負子猷船茅齋
一簪愁多少窗竹瀟瀟耿不眠

還山先生集卷十

四

泮梁除夜

追錄

六街歌鼓待晨鐘四壁寒齋只病翁鬢雪得年應更白鏡
花何喜也能紅養生有論人空老祖道無詩鬼亦窮數日
西園看車馬一番桃李又春風

與馮呂飲秋香亭

二子皆吾友
之純席生

龐眉書客感秋蓬更在京塵傾洞中莫對青山談世事且
將遠目送歸鴻龍江文采今誰似謂之純鳳翼年光夢已空
賸著新詩記今夕尊前四客一衰翁鳳翼永
甯地名

哀武子告

生氣曾思作九原迷塗爭得背南轅梁鴻故事要離墓衛

國孤兒祇樹園子今爲僧舊說布衣甘絕脰今傳史筆記歸元

知君祿仕無心在旌孝終當到李源

贈李春卿

寶十郎家指顧閒因君我亦愛西山丹房藥鏡平生了禪榻
茶煙歲月閒春籌有情供白墮秋風無力損紅顏重來
已有明年約賸破都城幾往還

甲辰秋留別丹陽

疏疏衰柳映金溝祖道都門復此留千里關河動歸興九
秋雲物發詩愁嚴城鐘鼓月清曉老馬風沙人白頭後夜
相思渺何許西山西畔是并州

遺山先生集卷十

五

龍興寺閣

全趙堂堂入望寬九層飛觀儘高寒空聞赤幟疑軍壘眞
見金人泣露槃桑海幾經塵劫壞江山獨恨酒腸乾詩家
總道登臨好試就遺臺老樹看

別緯文兄

玉壘浮雲變古今燕城名酒足浮沈眼中誰復承平舊言
外驚聞正始音異縣他鄉千里夢蓮枝同氣百年心行期
幾日休相問觸撥羈愁恐不禁

甯掾端甫北上

馬頭風雪遠相迎颯杳弓刀四十程自是青雲動高興未

甘白髮老諸生書來沙漠鐙花喜夢到秦川煙樹平長句
送君還自媿半山已有雁飛行

荅定齋李兄

小山叢桂姓名香舉世何人得雁行滄海揚塵幾今管長
庚配月獨淒涼虛勞裴相求白傅正倚源明識漫郎十載
相從未言晚城南泉石有雲莊

空山何亙川虛白庵二首

舊向韋編悟括囊肯隨文木被青黃吉祥止處無餘物知
見薰來有底香空谷自能生地籟浮雲爭得翳天光只愁

八月風濤壯夢裏江聲撼客牀

何臨安人

遺山先生集卷十

六

露菊霜茱薦枕囊石泉崖蜜膩松黃只緣山遠無來客更
覺心清聞妙香碁局儘堪消日晷吟毫真合染溪光劇談
不盡江湖景重與青鐙約對牀

聽姨女喬夫人鼓風入松

白雪朱絃一再行春風纖指十三星雲窗霧閣有今夕寶
曆羅裙無此聲瀟灑寒松度虛籟悠揚飛絮攪書冥胎僊
不比湘靈瑟五字錢郎莫漫驚

哭樊帥

自倚沈冤有舌存爭教無路叩天閭喪囊已竭千金賜絕
幕誰招萬里魂東道漫悲梁苑客南園多負壽張孫春風

花落歌聲在夢裏能來共酒尊

寒食

王子清
明後作

上苑春風盛物華天津雲錦赤城霞輕舟矮馬追隨遠翠
幙青旗笑語譁化國樓臺隔瀛海吳兒洲渚記僊家山齋
此日腸堪斷寂寞銅餅對杏花

送樊順之

弓刀十驛岳蓮洲渭水秦山得意秋王粲從軍正年少庾
郎入幕更風流寒鄉况味真雞肋清鏡功名屬虎頭寄謝
溪風亭上月老夫乘興欲西游

蜀昭烈廟

遺山先生集卷十

七

合散扶傷老益堅荒祠重過爲淒然君臣灑落知無恨庸
蜀崎嶇亦可憐一縣山陽堯故事三年章武魏長編錦官
羽葆今何處半夜樓桑叫杜鵑

過翠屏口

鬢鬢蒼白葛衣寬事外閒身也屬官授簡如聞數枚叔乘
車初不少馮驩沙城雨塌名空在石峽風來夏亦寒雨飽
三飢已旬日虛勞兒女勸加餐

王敦夫祥止庵

三樂人推二樂全有親可事子能傳舊時詩禮聞家學此
日丹砂見地僊蕩蕩天光虛室外融融和氣彩衣前情知

不羨燕山桂一樹靈椿歲八千

過寂庵別陳丈

甲辰秋

陳丈未識某而愛其詩曾對高御史士美言我他日見
遺山當快飲百醉後見之而公已病乃相約易百醉爲
百杯每見以酒籌計之至七八十杯復有此別故詩中
及之

心遠由來地自偏不離城市得林泉從教上界多官府且
放閒身作地僊三月有期何敢負百杯未滿會須填違離
更覺從公晚卻望都門一慨然

梁移忠詩卷

遺山先生集卷十

八

一箭功成塞上歸迺翁丞白藉扶持燕雲義俠風流遠里
社陰功父老知龍種作駒元自異虎頭食肉未應遲高門
更與增華表丁令還家先有期

時都蓮丈已下世故詩中及之

喬千戶挽詩

高冢驚看石表新空將事業望麒麟燕遼部曲千夫長楚
漢風雲百戰身赤羽有神留絕藝素旗無誅記連姻陰功
未報天心在累將重侯又幾人

潘安仁楊使君誄有表之素旗之句喬與子皆毛氏

堦之

贈王僊翁道成

覽照休驚白髮新奕棋翻覆見來頻燕南趙北留詩卷王

後盧前盡故人平地青雲一
鑪藥舊都喬木百年身憑君
賸醉浮香酒館名梁苑而今不算春

常仲明教授挽辭

雲際虛瞻處士星豈知談笑已忘形
鎮州肥膩無毫髮晉
產真淳有典刑白帽枉教淹晚節
綠囊元擬濟含靈汝南
後日先賢傳猶欠知幾爲勒銘
常代州崞縣人客鄆城與
知幾游從知醫臨終殊明
了

追錄舊詩二首

短褐單衣長路塵十年回首一吟呻
孤居無著竟安往宿
債未償今更新相馬自甘齊客瘦
食鮭誰顧庾郎貧聞君

遣山先生集卷十

九

話我才名在不道儒冠已誤身
自用韻荅
張之純

潦倒聊爲隱畝民一犁分得雨聲春
功名何物堪人老天
地無心誰我貧穎上雲煙隨處好
洛陽桃李幾番新悠悠
世事休相問牟麥今年晚得辛
用崔懷
祖韻

丁未寒食歸自三泉

青山晴煖紫生煙山下分流百汊泉
未放小桃裝野景已
看茅屋映秋千飢烏得食爭相喚
醉叟行歌只自顛寒食
明年定何許故人尊酒且留連

卽事呈邦瑞

鄭莊父子重相留似爲良辰散客愁
陋巷新成一茅屋今

年連醉兩中秋開尊便覺賢人近汗足甯論力士羞明日
燕臺傳盛事坐中賓客盡名流

和白樞判

李定齋有詩寄白以因風何惜數行書爲落句白酬荅
云欲搜春草池塘句藥裏關心夢不成余平解之

金粟岡頭有髮僧遙知默坐對龕鐙書郵但覺浮沈久詩
卷何緣唱和曾白日放歌須縱酒清朝有味是無能相逢
定有池塘句藥裏關心恐未應

慶高評事八十之壽

圖畫堯民太樸存衣冠兼得見高門種松千歲如種德教
遺山先生集卷十

十

子一經今教孫化日舒長留暮景秋風搖落變春溫聘君
羔雁休疑晚正及新年薦壽尊

超然王翁哀挽

直擬期頤薦壽尊卻從圖畫記生存百年喬木衣冠古一
夕西庵笑語溫故事未霑通德里素風多負讀書孫吳陳
諸老今誰在滅沒歸鴻是薊門

大名贈荅張簡之

營平豪宕變溫文所見今知勝所聞只道生涯無長物爭
教詩壘策奇勳伐薪未敢煩名士載酒能來過子雲後日
山陽養衰疾藥籠僊品正須君

燕都送馬郎中北上

功曹此日漢蕭何家世當年老伏波但愛紅蓮映芳渚豈
知寒谷變陽和珠囊不載模糊錦銀管先書茂異科太史
占天應有喜一星朝處五雲多

馬雲漢方鏡背有飛魚

劫火依然百鍊初護持元自有神魚影寒似覺雲屏透光
落應分玉斗餘開朗休嫌露圭角圓通甯復滯方隅衣冠
正了渾閒在一片靈臺欲付渠

贈荅雁門劉仲脩

仲脩省郎乘傳過新興有詩見及推激過稱甚非衰謬

遺山先生集卷十

十一

所宜得者媿汗之餘輒用韻爲謝仲脩詩律深密得於
尊公鳳山老人過庭之訓且其顏狀絕類吾友李從事

長源故篇中有及

車騎雍容一坐傾并州人物未凋零共知祭酒傳家學

爲劉氏祭酒獨愛中郎餘典刑東壁圖書欣有託南溟風浪駭

初經少微見比吾何敢洗眼僊槎候客星

餘慶堂

五年霜戟照康莊萬里春風擁畫梁已覺并汾增勝氣更
從王郝借餘光靈椿丹桂知難老玉節金符豈易量騰著
牋毫授辭客南堂兼是棗華堂

寄荅劉生

西州消息到東山，懷袖新詩百過看。
白璧明珠驚照座，朔雲寒雪入憑欄。
省郎共結交情厚，野老還欣禮數寬。
後日秋風一尊酒，草堂應得駐金鞍。

別董德卿

爛醉秋風四十場，此回歌笑重難忘。
揚雄詞賦今誰識，陶令田園先已荒。
同甲弟兄雖異姓，宦游州郡卽吾鄉。
懸知後日登高地，賸爲行人望太行。

送端甫西行

瀛洲人物早知名，車騎雍容一座傾。
美酒清歌長有味，綠

遺山先生集卷十

十一

波春草若爲情，渭城朝雨三年別。
平地青雲萬里程，老我秦游舊曾約。
夢中僊掌已相迎。

讀李狀元朝宗禪林記

李守濟州城，破不屈節死。贈鄗郡刺史。

偶向禪林見舊文，濟陽南望爲沾巾。
張巡許遠古亦少，烈日秋霜今更新。
千字豐碑誰國手，百城降虜盡王臣。
知君不假科名重，元是中朝第一人。

同嚴公子大用東園賞梅

東閣官梅要洗妝，青雲公子不相忘。
翰林風月三千首，樂府金釵十二行。
佳節屢從愁裏過，老夫聊發少年狂。
花行

更比梳行好誰道井州是故鄉

中庸先生丞示先大夫教子詩及裴內翰擇之所述
家傳愛仰不足情見於辭

嚴訓常如天日照名家元自古今同只知楊秉餘清節爭
信謙玄有素風

獨行傳
第一人

通德里門傳故事安平韻語到兒

童青青留在懷賢樹愛殺曹南一畝宮

賀中庸老再被恩綸

萬古千秋麗澤堂紫泥恩詔姓名香治朝例有高年敬神
理終歸晚節昌東魯儒生傳舊學曹南方志發幽光季春
羔雁秋風酒準擬年年薦壽觴

遺山先生集卷十

三

趙汲古南園

分得
軍字

林園近與六街鄰塵漲都歸一水分魚樂定從濠上得荷
香偏向雨中聞接離倒著容山簡老屋高眠稱陸雲尊酒
相陪有今日卻慙詩壘不能軍

柳亭雨夕與高御史夜語

關塞無緣笑語同偶然情話此從容青天蜀道不得過山
色歸心空自濃九日茱萸藍澗酒十年朝馬景陽鐘三間
老屋知何處惆悵雲閒陸士龍

高曾自藍田令人拜監察
御史北渡後謀還保塞而

困於無資者
二十年矣

玉峯魏丈哀挽

風馭翩翩渺獨征
幾人終始復哀榮
祇緣大事存遺稿
重爲斯文惜主盟
北斗太山初未減
秋霜烈日凜如生
莫疑知己無從報
直筆君看戮進明

清明日改葬阿辛

掌上青紅記點妝
今朝哀感重難忘
金環去作誰家夢
綵勝空期某氏郎
一瞥風花纔過眼
百年冰燭若爲腸
孟郊老作枯柴立
可待吟詩哭杏殤

寄謝常君卿

百過新篇卷又披
得君重恨十年遲
文除嶺外初無例
詩學江西又一奇
楊柳不隨春事老
貞松唯有歲寒知
僊鄉

遺山先生集卷十

白鳳瀛洲近洗眼
雲霄看後期

送武誠之往漢陂

太原酒政瑞甫之
父此時爲黃冠

行李中春發晉溪
離筵辭客賦新題
青雲有路人看老
秋水無言物自齊
杜曲舊游頻入夢
兵廚佳釀惜分攜
因君爲向蓮峯道
不待移文我亦西

送劉子東遊

劉郎世舊出雄邊
生長幽并氣質全
陣馬風檣見豪舉
雪車冰柱得真傳
書空咄咄知誰解
擊缶嗚嗚頗自憐
後日東州飽歸載
且休多送酒家錢

甲寅九日同臨漳提領王明之鹿泉令張奉先賈干

戶令春李進之冀衡甫遊龍泉寺僧顯求詩二首
遠水寒煙接戍樓黃花白酒浣羈愁霜林染出雲錦爛春
色併歸風露秋鄉社歲時容客醉石牆名姓爲僧留登高
舊說龍山好從此龍泉是勝遊

柿葉殷紅松葉青黃花霜後獨鮮明西風浩浩欲吹帽石
溜泠泠堪濯纓皇統貞元見題字良辰美景記昇平何人
解得登臨意滅沒疏雲雁一聲

十日作

關樹蕭條返照明井陘西北算歸程青黃大似溝中斷文
字空傳海內名平地煙霄遽如許秋風茅屋可憐生重陽
擬作登高賦一片傷心畫不成

遺山先生集卷十

五

贈荅普安師

入座臺山景趣新因君鄉國重情親金芝三秀詩壇瑞寶
樹千花佛界春聞道舊傳言外意忘年今得眼中人種蓮
結社風流在會向籃輿認後身

孝純宛工遷奉

鬢毛衰颯面塵埃孝子牽車古所哀千里長河限南北一
止寒土見蒿萊遼東華表何人在柳氏玄堂此日開十月
知君有新喜小雛先與喚迎來

張弟新舉第二雛聞其
玉雪可念因以字之

曹壽之平水之行

關塞相望首重搔相逢衰颯嘆顛毛驪珠可忍輕彈雀雉
餌何緣得釣鼈從昔北園昌晚節向來山岳總秋毫西風
先有龍門約共舉一杯持兩螯

追懷趙介叔

今古人門各一時燕南賸有桂林枝清風明月懷玄度綠
水紅蓮見杲之善政傳歸遺愛頌陰功留在稱家兒哀歌
不盡平生意空想脩然瘦鶴姿

追懷友生石裕卿

人物休評第幾流依然豪俠數并州壯懷歌闋尊爲破連
句才多筆不休金馬只教聊避世玉犀誰遣失封侯酒酣

遺山先生集卷十

六

握手今無復惆悵西園是舊游

挽雁門劉克明

詩骨脩然野鶴孤兩年清坐記圍鑪金初宋季聞遺事草
靡波流見古儒已分幽人嗟古柏爭教孺子奠生芻鳳山
後日先賢傳再有劉宗祭酒無

贈荅平陽仇舜臣

兩辱攜詩過草堂曹君師席有輝光飛騰自是功名具
燦倒何堪翰墨場滄海驪珠能幾見鄴城龍劍不終藏太行
殘雪春風近且趁梅花薦壽觴

仇乃曹益父門生也

賈漕東城中隱堂

智水仁山德有鄰
柳塘花塢靜無塵
家僮解誦閑居賦
田父爭持社賽春
安吉總輸中隱士
典刑真見老成人
明年恰入非熊運
共看青蒲裏畫輪

約嚴侯汎舟

風物當年小洞庭
西湖此日展江亭
詩貪勝概題難徧
酒怯清秋醉易醒
白鳥無心自來去
紅蕖照影亦娉婷
僊舟共載平生事
未分枯槎是客星

送李同年德之歸洛西二首

千佛名經有幾人
棲遲零落轉情親
承平盛集今無復
哀樂中年語最真
衣上緇塵元自化
鏡中白髮爲誰新
水南

澶山先生集卷十

七

水北相逢在賸醉
醪醑十日春

亾柰流光冉冉何
逢君聊得慰蹉跎
飛黃老去空奇拙
燕歸來只舊窠
舉世盡從愁裏過
一尊獨愛醉時歌
洛中定有人相問
休道今年白髮多

贈蕭漢傑

有序

蕭漢傑大興人
金國初嘗賜姓奧里氏
故時人又謂之奧里漢傑
父仲寬居之飛龍榜
登科同知青州軍州事
致仕有子六人
皆使宦學
獨漢傑不樂
遂作舉子爲人
慷慨有志
膽好讀書
古兵法及陰陽
孤虛祿命之術
從軍二十年
積官從三品
領虢州
卒關陝總帥府
提控佩

金符蓋自燕城圍解之後聞關南渡出入行陣閒瀕於
死者屢矣鐵嶺之潰復入陝州陝州亂羣不逞輩繫漢
傑獄中漢傑乘昏暮破械而出懼爲追者及駕浮壺亂
黃流筋疲力涸僅達北岸爲失侯故將者又二十年流
離頓踏人所不能而意氣都不少衰以人情觀之豈祿
祿者所可辦邪王子冬與余相值於東原問其世知其
爲故人大鈞之同母弟也問其日事則曰止以唐生季
主之業游時貴閒耳因與論余之行年而有契於余心
者私竊慨嘆以爲倚伏叵測哀與樂相尋生也有涯而
跼於憂畏浩浩乎如乘舟而遇風波非知其亾可奈何

遺山先生集卷十

六

而安之其可以收利涉之功乎漢傑爲有得矣其別也
因爲長句以贈

射虎將軍右北平短衣憔悴宿長亭雷轟寶劍無留迹火
借青囊爲乞靈四壁不知貧作祟一瓢誰識醉中醒相逢
莫話搢機石自省枯槎是客星

送曹幹臣

和林音驛日懷思燕市歌歡有此時老我真成鐵鑪步感
君時送草堂貲黃楊舊厄三年閏赤驥非無萬里姿平地
煙霄付公等不妨閒和鳳池詩

國醫王澤民詩卷

萬石君家父事兄豈知衰俗有王卿一篇華袞中書筆滿
紙清風月旦評鴻雁自分先後序鶴鴒兼有急難情閨門
雍睦君須記方伎成名恐未平

祖唐臣母挽章

白髮承平一夢過怡然冠帔見慈和肩輿燕喜今無復手
綫留殘恨更多舍肉已甘非穎谷學僊何敢望西河升堂
結友平生事重爲王君廢蓼莪

丙辰九月二十六日挈家游龍泉

風色澂鮮稱野情居僧聞客喜相迎藤筌石燈雲添潤泉
漱山根玉有聲庭樹老於臨濟寺霜林渾是漢家營明年

遺山先生集卷十

九

此日知何處莫惜題詩記姓名

感寓

南楊北李閑中老樂丈張兄病且貧叔夜呂安誰命駕牧
童田父實爲鄰功名富貴知何物風雨塵埃惜此身歌酒
逢場暫陶寫不應嫌我醉時真

李仁卿楊正卿
樂舜咨張緯文

存歿

辛老敬之
劉兄景玄

行閒楊趙提衡早老去辛劉入夢頻案上酒杯聊自慰袖
中詩卷欲誰親兩都秋色皆喬木一代名家不數人汲冢
遺編要完補可能虛負百年身

人日有懷愚齋張兄緯文

書來聊得慰懷思清鏡平明見白髮明月高樓燕市酒梅
花人日草堂詩風光流轉何多態兒女青紅又一時澗底
孤松二千尺殷勤留看歲寒枝

趙元德御史之兄七袞之壽

富貴浮雲世態新典刑依舊老成人松身鶴骨詩千狀玉
潤冰清德有鄰已卜新居近泉石不應晚節傍風塵平頭
七十從頭數才是梅溪第一春

張邨杏花

丁巳二月初二日

昨日櫻脣絳蠟痕今朝紅袖已迎門只應芳樹知人意留
著殘妝伴酒尊濃李尙須羞粉豔寒梅空自怨黃昏詩家

遺山先生集卷十

三

元白無今古從此張邨卽趙邨

送仲希兼簡大方

以下續編

家亾國破此身留留滯聊城又過秋老去天公真潰潰亂
來人事轉悠悠碁中敗局從誰覆鏡裏衰容只自羞方外
故人如見問爲言乘興欲東流

送郭大方

雲裘煙駕渺翩翩是處林泉有靜緣存歿共驚初劫後交
游空記十年前忘言秋水聊揮塵得意高山未絕絃明月
太虛君自了相思休泛剡溪船

送李輔之官青州

親朋離燕日相仍又向扁舟別李膺晚節浮沈疑未害中
年哀樂自難勝樊籠不畜青田鶴朔吹初翻白錦鷹鄭重
雙魚問消息故俟瓜圃在東陵

荅晁公憲世契二首

晁文元公之後游
仙李承旨之外孫

文元道院玉爲淵臥治堂中宅相賢名氏共知先德在詩
書仍自外家傳獨先月旦宜無媿久辱泥塗恐未然子弟
他年拜矜式萬鍾應待餞華顛

通家能有幾人存華屋生平得細論入座舊曾稱小友挾
書今復授諸孫已煩學舍分餘俸更約田家共老益一諾
知君重山岳車行五日是井門

遺山先生集卷十

三

寄史德秀兼呈濟上諸交游

久拚身世不相關暫入紅塵亦自難一早且當逃赤地二
年爭得厭青山陽臺寒食林花盛鐵岸南風草閣寒鄉社
追隨有成約更教空負老來閒

荅吳天益

兵中曾共保嵩丘忽漫相逢在此州鵝鴨何嘗厭喧聒燕
鴻無計得遲留白頭親舊常千里黃葉關河又一秋三徑
他時望羊仲卻應松菊未銷憂

來詩有三徑
松菊之句

荅郭仲通二首

白髮歸來一布衣東臯春草映柴扉向時諸老供熏沐此

日孤生足罵譏遁世已甘成遠引刺天何暇計羣飛光芒
消縮都無幾慙媿詩人比少微

來詩有少
微星之句

一尊何意復同傾亂後真疑隔死生吐氣無妨出芑角忍
窮尤喜見工程千年老檜盤根古十丈寒潭照膽清懍懍
風期望吾子不成隨例只時名

山東蘭仲文郎中見過

玉臺辭客富年華樂府風流有故家水碧金膏步兵酒天
香國色洛陽花皇居鬱鬱今何在世事悠悠日又斜後夜
雲州古城下故應回首一長嗟

送奉先從軍

遺山先生集卷十

三

潦倒書生百戰場功名都屬繡衣郎虎頭食肉無不可鼠
目求官空自忙捲月清笳渭城曉倚天長劔蜀山蒼習池
老去風流減醉後揚鞭媿葛疆

壽趙益之

山東諸將擁行臺共許元戎有雅懷文字誰如祭征虜威
名人識李臨淮農郊荆棘連新麥儒館丹青映古槐看取
邦人祝君壽五雲多處是三台

與宗秀才

陽平
作

趙侯雅負平原量楊子今爲四海儒已遣父兄知義訓有
容兒輩作耕夫鶯遷高樹音容改魚得明珠尾鬣殊駟馬

高門看他日始知種德有根株

贈馮內翰二首

并序

內翰馮公往在京師日渾源雷淵希顏太原王渥仲澤
河中李獻能欽叔龍山冀禹錫京甫皆從之問學某夤
緣亦得俎豆於門下士之未然自辛卯壬辰以來不三
四年而五人者惟不肖在耳丙申夏六月公自東平將
展墓于鎮陽以某在冠氏枉駕見過時公方爲髀股所
苦吟呻展轉若非老人之所能堪然閒語及舊事則危
坐終日往往爲之色揚而神躍以公初挂冠歸嵩山時
校之其談笑風流固未減也竊意造物者錫公難老使

遺山先生集卷十

三

後生輩望見肩宇以知百年文章鉅公敦龐耆艾之士
衰衣博帶坐鎮雅俗者蓋如此橫流方靡而砥柱不移
故國已非而喬木猶在幸公之可恃而哀四子之不見
也作詩二章以道區區之懷於公之行而爲之獻

耆舊如公可得親爭教晚節傍風塵青氈持去故家盡白
帽歸來時事新扶路不妨驢失腳守關尤覺虎憎人只應
有似松庵日時醉中山麴米春

龍門冠蓋日追隨四客翩翩最受知桃李已隨風雨盡柏
松獨與雪霜宜元龜華髮渠有幾清廟朱絃誰與期見說
常山可歸隱從公未覺十年遲

九日午後入府知曹子凶問夜不能寐爲作詩一首
角逐文場早決機晚年書卷不停披詩如魯望何多態檄
比寶王又一奇題品自當高等級搜求誰復盡臺釐遺編
綴輯非吾事千古朱絃有子期

造物無心賦耦奇敢從窮達計前期參軍桓府得君重奮
翼灑池徒爾爲一瞥風花才過眼半生歌笑幾伸眉陸家
正有諸郎在寶劔千金更屬誰

蓋父曹弟見過挽留三數日大慰積年傾系之懷其
行也漫爲長句以贈弟近詩超詣殆欲度驂騮前
故就其所可至者而勉之

遺山先生集卷十

五

九萬扶搖先有程祗應貧病坐時名暫同寢飯聊堪喜細
話艱危卻自驚從事舊慙三語掾通家猶記十年兄文章
正脈須公等如我何年畫虎成

贈李文伯

鳳皇在山天下奇泰和以來王李倪承平人物天未絕耆
舊風流今復誰青紅自是兒女事老幹甯與春風期萬壑
松聲一壺酒從公未覺去年遲

贈玉峯魏丈邦彥

夢想南山掩靄閒眼明驚見玉峯寒風波舊憶橫身過世
事今歸袖手看販婦傭兒識名姓故鄉遺俗見衣冠臨流

卜築平生事會就遼東管幼安

贈荅趙仁甫

南冠牢落坐貧居卻爲窮愁解著書但見室中無長物不聞門外有軒車六朝人物風流在兩月燕城笑語疏寒士歡顏有他日晚年留看定何如

同德秀求田燕山分得同字

數家邨落翠微中茅屋真堪著病翁水竹漸知盤谷近鄉鄰仍與玉川通清泉白石言猶在赤日紅塵夢已空杖屨追隨自今始此行聊記與君同

德秀家兒子

遺山先生集卷十

三

犀插隆顱玉作肌名郎風骨見來奇靈椿丹桂詩將應玉杵玄霜夢已知兒未生時夢得一兔竹馬乍騎猶未慣斑衣才著更相宜鳳山自有鴉雛種九子相從不厭遲

贈任丈耀卿

袖手名城得海藏不妨身與世相忘故人非復烏衣巷勝事仍餘綠野堂茶竈漫煎雲腳散蓮舟清嘯月波涼投詩未覺追隨遠豫怯君家百罰觴

賀德卿王太醫生子

喜色門闌笑語譁新兒浴罷試鉛華岳蓮盡發三峯秀夢筆驚看五色花此日壽筵分象果異時雲漢望仙槎并州

金馬君知否藥籠陰功是故家

贈麻信之

梁苑同來手重分洛西清語意尤親
相期晚歲定知我可道古人惟有君
霽日光風開白晝瓊林珠樹照青春
陸機舊有三間屋便擬東頭著弟雲

射虎

虎迹駸駸近九關豈知飛將乃黃閒
弦弧霹靂應手破從騎爛斑載錦還
得意雲雷捲勅敵回頭藜藿但空山
寢皮食肉男兒事未分書生袖手閒

茗飲

遺山先生集卷十

三

宿醒未破厭觥船紫笋分封入曉煎
槐火石泉寒食後鬢絲禪榻落花前
一甌春露香能永萬里清風意已便
邂逅華胥猶可到蓬萊未擬問羣仙

鬱鬱

鬱鬱羈懷不易開更堪寥落動淒哀
華胥夢破青山在梁甫吟成白髮催
秋意漸隨林影薄曉寒都逐雁聲來
井州近日風塵惡悵望鄉書早晚回

秋日載酒光武廟

美酒良辰邂逅同赤眉城北漢王宮
百年星斗歸天上萬古旌旗在眼中
草木暗隨秋氣老河山長爲昔人雄
一杯

徑醉風雲地莫放銀盤上海東
寄劉光甫

山澤臞儒亦自豪塵埃俗吏豈勝勞陶潛貧裏營三徑潘岳秋來見二毛芻狗已陳甘自棄駘駒未脫欲安逃因風寄謝劉夫子極口推稱恐太高

過臯州寄聶侯

澗岡重複竝湍流斜日黃榆嶺上頭地底寶符臨趙國眼中佛屋見臯州雲沙浩浩雁良苦木葉蕭蕭風自秋別後故人應念我一詩聊與話離憂

病中感寓贈徐威卿兼簡曹益甫高聖舉

先生絕筆

遺山先生集卷十

三

讀書略破五千卷下筆須論二百年正賴天民有先覺豈容文統落私權東曹掾屬冥行廢鄉校迂儒自聖癡不是徐卿與高舉老夫空老欲誰傳

歸潛堂

此首施國祁補

南山老桂幾枝分翰墨風流屬兩君共說人間好畝向爭教茅屋著機雲備嘗險阻聊乘化力戰紛華又策勳卻恐聲光埋不得皇天久矣付斯文

過陽泉馮使君墓

此首張穆補詩刻在陽泉北嶺圍窪馮氏香亭上遺山親筆也行書

無年

一笛悠然此地聞住山還憶大馮君已看引水澆靈藥更

約築亭留野雲前日褰衣笑皤腹今年宿草卽荒墳東鄰
誰學游巖例秋菊寒泉尙可分

再赴陽城用韻別茂卿子雲正之

新續
從陽城縣志補

誰使腰間印欲懸不知面上唾纔乾先生敢以督郵去坐
客莫將官長看祖席又成攜手別離杯何苦上眉酸且休
凋落高陽社來往雙鳧也不難

元遺山先生集卷第十終

遺山先生集卷十

三

元遺山先生集卷第十終

遺山先生集卷第十終

遺山先生集卷第十終

遺山先生集卷第十終

遺山先生集卷第十終

遺山先生集卷第十終

遺山先生集卷第十終

元遺山先生集卷第十一

讀書山房刻本

元張德輝頤齋類次

五言絕句

洛陽高少府瀍陽後庵五首

溪上弄明月風露發新警
心空無一塵萬竹埽秋影
一水隨人意蔬畦復芋溝
風波河洛近莫放出山流
非早春先綠菘肥秋未黃
殷勤繞畦水終日爲君忙
地僻境逾靜林疏秋已分
清溪一片月脩竹四山雲
方外人長樂山中物自幽
百年梅福隱萬古謫僊游

內鄉雜詩

遺山先生集卷十一

一

犬吠桃源近鶯聲柳巷淡
蒼苔留醉臥青竹伴幽尋

薛明府去思口號七首

能吏尋常見公廉第一難
只從明府到人信有清官
畫諾由官長昂頭顧吏頻
只從明府到判筆不傳神
麋鹿山中盡公廚破幾錢
只從明府到獵戶得安眠
木索人何罪纍纍滿獄中
只從明府到牢戶二年空
驛舍無歌酒清談了送迎
卽看明府去畫鼓有新聲
舊日逃亾屋鎌鉏色色新
卽看明府去還作賣牛人
疾惡看平日天然御史材
豪姦休鼓舞驄馬卽西來

山居雜詩六首

瘦竹藤斜挂幽花草亂生林高風有態苔滑水無聲
石潤雲先動橋平水漸過野陰添晚重山意向秋多
樹合秋聲滿邨荒暮景閒虹收仍白雨雲動忽青山
川迴楓林散山澗竹港幽疏煙沈去鳥落日送歸牛
漲落沙痕出隄摧岸口斜斷橋堆聚沫高樹閣浮槎
鷺影兼秋靜蟬聲帶晚涼陂長留積水川闊盡斜陽

梁父吟扇頭

孔明箕踞坐大石上望月作梁父吟

槃礴萬古心塊石入危坐青天一明月孤唱誰與和
南樓月夕望鳳山有懷武鍊師子和

相望不相見山中君得知南樓今夜月也到洗滌池

遺山先生集卷十一

二

辛亥寒食

寒食年年好今年迴不同秋千與花影併在月明中

山中晚春

雲光金碧聚林煙綵翠新山花發較晚今年兩見春

得緯文兄書

鵲語喜復喜山城誰與娛青鐙一杯酒千里故人書

乙巳九月二十八日作

關山小雪後絮帽北風前殘月如新月今年老去年

六言

定齋兄寫真

朱黃筆底三篋白黑胸中兩棊畫作蕭然野服雲龍蔽日
駁駁

巨然秋山爲鄧州相公賦

筆端遊戲三昧物外平生往還爲問阿師何在白雲依舊
青山

德和墨竹扇頭

靜裏離離新粉動時細細清香明月清風自在紅塵白日

何妨嫩香新粉墨離
離李長吉竹詩

曹得一扇頭

機中秦女僊去月底梅花晚開只見一枝疏影不知何處

遺山先生集卷十一

三

香來

七言絕句

論詩三十首

丁丑歲
三鄉作

漢謠魏什久紛紜正體無人與細論誰是詩中疏鑿手暫

教涇渭各清渾

曹劉坐嘯虎生風四海無人角兩雄可惜并州劉越石不

教橫槊建安中

鄴下風流在晉多壯懷猶見缺壺歌風雲若恨張華少溫

李新聲柰爾何

鍾嶸評張華詩恨其
兒女情多風雲氣少

一語天然萬古新豪華落盡見真淳南窗白日羲皇上未

害淵明是晉人

陶淵明唐之白樂天

縱橫詩筆見高情何物能憐塊磊平老阮不狂誰會得出

門一笑大江橫

心畫心聲總失真文章甯復見爲人高情千古閒居賦爭

信安仁拜路塵

慷慨歌謠絕不傳穹廬一曲本天然中州萬古英雄氣也

到陰山敕勒川

沈宋橫馳翰墨場風流初不廢齊梁論功若準平吳例合

著黃金鑄子昂

鬪靡誇多費覽觀陸文猶恨宄於潘心聲只要傳心了布

還山先生集卷十一

穀瀾翻可是難

陸蕪而潘靜語見世說

排比鋪張特一塗藩籬如此亦區區少陵自有連城壁爭

柰微之識砥砮

事見元稹子美墓志

眼處心生句自神暗中摸索總非真畫圖臨出秦川景親

到長安有幾人

望帝春心託杜鵑佳人錦瑟怨華年詩家總愛西崑好獨

恨無人作鄭箋

萬古文章有坦塗縱橫誰似玉川盧真書不入今人眼兒

輩從教鬼畫符

出處殊塗聽所安山林何得賤衣冠華歆一擲金隨重大

是渠儂被眼謾

筆底銀河落九天何曾憔悴飯山前世間東抹西塗手枉
著書生待魯連

切切秋蟲萬古情鐙前山鬼淚縱橫鑑湖春好無人賦岸
夾桃花錦浪生

切響浮聲發巧澗研摩雖苦果何心浪翁水樂無宮徵自
是雲山韶濩音

水樂次山事又其款乃曲云停機靜聽曲中意好是雲山韶濩音

東野窮愁死不休高天厚地一詩囚江山萬古潮陽筆合
在元龍百尺樓

萬古幽人在澗阿百年孤憤竟如何無人說與天隨子春

遺山先生集卷十一

五

草輸贏較幾多

天隨子詩無多藥草在南榮合有新苗次第生稚子不知名品上恐隨春草鬪輸贏

謝客風容映古今發源誰似柳州深朱絃一拂遺音在卻

是當年寂寞心

柳子厚晉之謝靈運

窘步相仍死不前唱齏無復見前賢縱橫正有陵雲筆俯
仰隨人亦可憐

奇外無奇更出奇一波纔動萬波隨只知詩到蘇黃盡滄
海橫流卻是誰

曲學虛荒小說欺俳諧怒罵豈詩宜今人合笑古人拙除
卻雅言都不知

有情芍藥含春淚無力薔薇臥晚枝拈出退之山石句始

知渠是女郎詩

亂後玄都失故基看花詩在只堪悲劉郎也是人間客枉
向春風怨兔葵

金入洪鑪不厭頻精真那計受纖塵蘇門果有忠臣在肯
放坡詩百態新

百年纔覺古風回元祐諸人次第來諱學金陵猶有說竟
將何罪廢歐梅

古雅難將子美親精純全失義山真論詩甯下涪翁拜未
作江西社裏人

池塘春草謝家春萬古千秋五字新傳語閉門陳正字可

遺山先生集卷十一

六

憐無補費精神

撼樹虬蟬自覺狂書生技癢愛論量老來留得詩千首卻
被何人校短長

文湖州草蟲爲劉使君賦

造物無心筆有神翩翩飛動百年新蟲魚瑣細君休笑學
會屠龍老卻人

京都元夕

絃服華妝著處逢六街鑿火鬧兒童長衫我亦何爲者也
在游人笑語中

西園

百草千花雨氣新今朝陌上有游塵
皇州春色濃於酒醉殺西園歌舞人

藍采和像

長板高歌本不狂兒曹自爲百錢忙
幾時逢著藍衫老同向春風舞一場

鴛鴦扇頭

雙宿雙飛百自由人間無物比風流
若教解語終須問有底愁來也白頭

杏花雜詩十三首

杏花牆外一枝橫半面宮妝出曉晴
看盡春風不回首寶

遺山先生集卷十一

七

兒元是太憨生

露華浥浥泛晴光睡足東風倚綠窗
試遣紅妝映銀燭湘桃爭合伴僊郎

娟媚纖條映酒船綠嬌紅小不勝憐
長年自笑情緣在猶要春風慰眼前

暖日園林可散愁每逢花處儘遲留
青旗知是誰家酒一片春風出樹頭

紛紛紅紫不勝稠爭得春光競出頭
卻是梨花高一著隨宜梳洗儘風流

露浥清華粉自添隔溪遙見玉簾苦
眼看桃李飄零盡更

揀繁枝插帽簷

小橋南北夢幽尋殘醉曹騰不易禁一樹杏花春寂寞惡
風吹折五更心

西山漠漠有無中幾日園林幾樹紅燕子銜將春色去錯
教人恨五更風

屈指殘春有別期春風爭忍片紅飛若爲釀得干日酒醉
著東君不放歸

楚客離魂不易招野春平碧水迢迢巫楊也被多情惱瘦
損春風十萬條

小雨斑斑曉未勻煙光水色畫難真西園春物知多少一

遺山先生集卷十一

八

樹巫楊惱殺人

魏紫姚黃有重名洛陽車馬鬧清明吹殘桃李風纔定可
是東君別有情

紅妝翠蓋惜風流春動香生不自由莫向芸齋厭閒冷小
詩供作錦纏頭

韓偓嚙三清之瑞露春動七
情明五色之靈芝香生九竅

出京

巫峽歸雲底處尋高城渺渺暮煙沈春風不剪巫楊斷繫
盡行人北望心

惠崇蘆雁三首

寒沙折葦靜相依故國春風早晚歸意外羈縻誰畫得羽

毛單薄稻梁微

雁奴辛苦候寒更夢破黃蘆雪打聲休道畫工心獨苦題

詩人也白頭生

江湖牢落太愁人同是天涯萬里身不似畫屏金孔雀離

離花影淡生春

蚤起

北舍南鄰獨樂聲袂衣晨起覺秋清豆田欲熟朝朝雨喚

殺雙鳩不肖晴

書生

書生千古一齋腸蓋世功名不自償更笑登封武明府兩

遺山先生集卷十一

九

孟白粥半生忙

銅雀臺瓦硯

愛惜鉛花洗又看畫欄桂樹雨聲寒千年不作鴛鴦去喚

得書生笑老瞞

步虛詞三首

後二首二鄉時作

閩苑僊人白錦袍海山宮闕醉蟠桃三更月底鸞聲急萬

里風頭鶴背高

萬神朝罷出通明和氣歡聲滿玉京見說人間有新異綠

章封事謝昇平

琪樹明霞碧落宮歌音嫋嫋度冷風人間聽得霓裳慣猶

恐鈞天是夢中

拙庵爲溫甫賦

毫端棘末幾人爭
愚智相懸賦分平
畢竟世間誰是巧
鬢毛愁白可憐生

風雨停舟圖

老木高風作意狂
青山和雨入微茫
畫圖喚起扁舟夢
一夜江聲撼客牀

納涼張氏莊二首

小橋淡竹午風便
一道巫揚帶亂蟬
山下行人遮日去
卻從茅屋問瓜田

遺山先生集卷十一

十一

樹陰環合水縈回
樹下行人坐綠苔
絕似叢蒙山下路
眼中惟欠繫舟嵬

叢蒙繫舟皆鄉中山
鄉人謂之繫舟嵬

送窮

日吉時良利動遷
可能顏巷卜終焉
主人不倦星奴倦
辛苦年年縛草船

楊柳

楊柳青青溝水流
鶯兒調舌弄嬌柔
桃花記得題詩客
斜倚春風笑不休

梁縣道中

青山簇簇樹重重
人在春雲浩蕩中
也是杏花無意況

枝臨水臥殘紅

自題寫真二首

山林日月老潛夫骨入窮泉未擬枯幽澗有冰含太古無

人和玉試洪鑪

孫綽雖沒泉壤尸且不朽

一派春煙澹不收漁家已許借扁舟山林且漫蹉跎去莫

問人間第幾流

再題

高談世事真何者多竊時名亦偶然山鹿野麋君自看擬
從何地著貂蟬

吳子英家靈照圖二首

遺山先生集卷十一

十一

船入西江萬有空漉羅活計百錢功阿靈了卻無生話想
得蕭然似卷中

抱犢山高記洛川寸腸西去似繩牽而今卻羨龐家好兒

女生來只眼前

時女嚴在盧氏約歸甯未至

劉鄧州家聚鴨圖

沙浦空明洲景微枯荷折葦淡相依若爲化作江鷗去拍
拍隨君貼水飛

戊子正月晦日內鄉西城遊眺

雄蜂雌蝶爲花狂陌上遊人醉幾場前日少年今白髮卻
來閒處看春忙

長壽山居元夕

微茫燈火共荒邨黃葉漫山雪擁門三十九年何限事只
留孤影伴黃昏

聞仲澤丁內艱

升堂未幾訃音聞凶服衰羸日念君昨夜東南雷雨惡遙
知號哭繞新墳

贈眼醫武濟川

世事紛紛昧是非不應刮膜在金龜知君聖處工夫到且
道心自作麼醫

賦粹中師竹拂子

遺山先生集卷十一

十一

了卻香嚴一擊緣滿梳華髮伴談玄誰知拂月披風意已
具鈴鎚未落前

題伊陽楊氏戲虎圖

大班哆笑口侵耳小班蓄縮如乞憐戲鬪真成兩勅敵發
機誰在下莊前

王子端內翰山水同屏山賦二詩

鄭虔三絕舊知名付與時人分重輕遼海東南天一柱胸
中誰比玉崢嶸

萬里承平一夢間風流人物與江山眼明今日題詩處卻
見明昌玉筍班

右司正之家渭川千畝圖二首

官街塵土霧中天入眼荒寒一灑然大似終南山下看北風和雪捲蒼煙

老眼蕭郎筆有神巖姿洲景盡天真情知一段幽閒趣不必清談著晉人

同希顏欽叔玉華谷分韻得軍華二字二首

並山一徑入秋雲草樹低迷劣可分開道無煩謝康樂挽疆須得李將軍時有虎害故戲云

深山水木湛清華興到窮探亦未涯轉石猶能起雷雨題

詩自合動煙霞轉石當日事

遺山先生集卷十一

三

同希顏欽叔玉華谷還會善寺即事二首

高風捲盡四山雲泉石煙霞得細分大是山靈設清供惜無佳句荅殷勤

詩翁徹骨愛煙霞別似劉君住玉華鐵笛不曾從二草頭巾久已挂三花趙隱芝子端同年進士令任城為猾吏所誣遂隱居今年八十餘自言胎仙已成不久去世云

從鄧州相公覓酒時在鎮平

寒日山城雪四圍空齋孤坐意多違江州未覺風流滅可使陶潛望白衣

鎮平寄姪孫伯安筆

隆顛犀角掌中珠不見經年日念渠領取阿翁郎管筆試
教學寫問安書

黃筌龜藏六圖爲張左丞賦

無心舒卷付皇天不幸劄腸亦偶然世上疑謀待君決可
能藏六便安全

鎮平書事

勸農冠蓋已歸休了卻逋懸百不憂可是諸人哀老子半
窗紅日擁黃紬

自鎮平暫往秋林道中寄家

風雨塵埃了半生西山歸去眼增明浮雲夫壻今如此莫

遣山先生集卷十一

十四

遣迎門有嘆聲

超化

秋風嫋嫋入僧窗盡得諸山草木香卻恨大梁三日醉不

來超化作重陽

又云擬借扁舟弄秋水自
嫌塵土浣沙鷗餘不記

山居二首

斜陽高樹挂晴虹肅肅微涼雨氣中一道鷺鷥花不斷蜜

香吹滿馬頭風

詩腸揆苦怯茶甌信手拈書卻枕頭簷溜滴殘山院靜碧

花紅穗嬾涼秋

寄女嚴三首

鶴崖魚窟路閒關。旬月無由一往還。寒食歸甯見鄰女。舉

家回首望西山。

鶴崖魚窟在內鄉往盧氏道中

添丁學語巧於絃。詩句無人爲口傳。竹馬幾時迎阿姊。五

更教誦木蘭篇。

眼前兒女最關情。不見經年百感并。聞道全家解禪理。擬

從香火問無生。

自鄧州幕府暫歸秋林

升斗微官不療飢。中林春雨蕨芽肥。歸來應被青山笑。可
惜緇塵染素衣。

無題二首

遺山先生集卷十一

五

七十鴛鴦五十絃。酒薰花柳動春煙。人間只道黃金貴。不
問天公買少年。

春風也解惜多才。嫁與桃花不用媒。死恨天台老劉阮。人
間何戀卻歸來。

題省掾劉德潤家驂鸞圖并爲同舍郎劉長卿記異

劉在方城先有碧簫之遇。如芙蓉城事云。

千劫情緣萬古期。樓中蕭史姓名非。洞天花落秋雲冷。腸

斷青鸞猶自飛。

希顏挽詩五首

官衙寥落在銘旌。才命甯論重與輕。不作漢家賢傅去。空

勞明主識蕭生

盜焉冥冥旌紀寂寞
魏書隱逸傳中語

山立揚休七尺身紫髯落落照青春從教不入麒麟畫猶

是中朝第一人

人間無路問天公自古才難更阨窮日月不爲千載計江

山長惜萬夫雄

萬古文章有正傳驍騮爭道望君先傷心一入重泉後再
得斯人又幾年

一世龍門屬李膺待君提拂遂騰升千年荆棘龜趺在會
有人尋下馬陵

出鄧州

遺山先生集卷十一

六

本無奇骨負功名取次誰教髀肉生未到白頭能幾日六
年留滯鄧州城

過希顏故居四首

缺壺聲裏短歌行星斗闌干醉膽橫虎視鷹揚何處在道
邊孤冢可憐生

鶴蓋成陰著處同一時人物酒杯中臣門如市心如水世
俗論量恐未公

暮去朝來萬化塗飛揚跋扈亦區區劇談不盡平生意能
有精微入夢無

把臂論交分最淡三夫成虎古猶今百年惟有區區在地

下纔應識此心

雜著九首

萬期流轉不須臾物物觀來定有無玉席紙衣同一盡枉
將白骨計榮枯

覺短何如鶴有餘非魚誰謂子知魚一枝莫作鷓鴣看水
擊三千不羨渠

太虛空裏一遊塵造物雖工未易貧臧獲古來多鼎食可
能夷叔是飢人

青蓋朝來帝座新豈知衛瓘是忠臣洛陽荆棘千年後愁
絕銅駝陌上人

遺山先生集卷十一

七

六國虜王走下風神人鞭血海波紅無端一片云亭石殺
盡蒼生有底功

天上河源地上流黃金浮世等閒休埋愁不著重泉底儘
向人間種白頭

泗水龍歸海縣空朱三王八竟言功圍棋局上豬奴戲可
是乾坤鬪兩雄

昨日東周今日秦咸陽煙火洛陽塵百年蟻穴蜂衙裏笑
殺崑崙頂上人

半紙虛名百戰身轉頭高豕臥麒麟山間曾見漁樵說辛
苦陵煙閣上人

戚夫人

鴻鵠冥冥四海飛戚夫人舞淚霑衣無端恨殺商山老剛
出山來管是非

題山谷小豔詩

法秀無端會熟謾笑談真作勸淫看只消一句脩脩利李
下何妨也整冠

家山歸夢圖三首

別卻井州已六年眼中歸路直於絃春晴門巷桑榆綠猶
記騎驢掠社錢

繫舟南北暮雲平落日溇河一線明萬里秋風吹布袖清

遺山先生集卷十一

六

暉亭上倚新晴

游騎北來塵滿城月明空照漢家營卷中正有家山在一
片傷心畫不成

四皓圖

身墮安車厚幣中白頭塵土浣西風當時且下山間老羽
翼區區有底功

雜著

老優慣著沐猴冠卻笑旁人被眼謾造物若留殘喘在我
儂試舞你儂看

元遺山先生集卷第十一終

元遺山先生集卷第十二

讀書山房刻本

元張德輝頤齋類次

七言絕句

俳體雪香亭雜詠十五首

亭在故汴宮
仁安殿西

滄海橫流萬國魚
茫茫祿理竟何如
六經管得書生下
閣

劍長槍不信渠

洛陽城闕變灰煙
暮號朝虞只眼前
爲向杏園雙燕營

巢何處過明年

落日青山一片愁
大河東注不還流
若爲長得熙春在
時

上高層望宋州

遺山先生集卷十二

一

醇和旁近洞房環
碧玉參差竹樹閒
批奏內人輪上直
去

年名姓在窗閒

醇和殿名

天上三郎玉不如
手中白雨趁花奴
御屏零落宣和筆
留

得華清按樂圖

詩僊詩鬼不謾欺
時事先教夢裏知
禁苑又經人物散
荒

涼臺榭水流遲

十年前商帥國器方城夢
中得後二句爲言如此

金縷歌詞金曲厄
百年人事鬢成絲
重來未必春風在
更

爲梨花住少時

楊柳隨風散綠絲
桃花臨水弄妍姿
無端種下青青竹
恰

到湘君淚盡時

琵琶心事曲中論，曾笑明妃負漢恩。明日天山山下路，不須回首望都門。

鑪薰浥浥帶輕陰，翠竹高梧水殿深。去去氈車雪三尺，畫

羅休縷麝香金。

泥金色如麝香宮中所尙

羅綺深宮二十年，更持桃李向誰妍。人生只合梁園死，金

水河頭好墓田。

苦才多思是春風，偏近騷人悵望中。啼盡杜鵑枝上血，海

棠明日更應紅。

暖日晴雲錦樹新，風吹雨打旋成塵。宮園深閉無人到，自

在流鶯哭暮春。

遺山先生集卷十一

二

萬戶千門盡有名，眼中歷歷記經行。賦家正有蕪城筆，一

段傷心畫不成。

暮雲樓閣古今情，地老天荒恨未平。白髮纍臣幾人在，就

中愁殺庾蘭成。

春夕

數枝殘雪梅仍在，幾日東風柳已嬌。春酒價高無可典，小

紅鐙影莫相撩。

梅花

一樹寒梅古寺邊，荒山草木動春妍。東家賴有詩人在，照

影橫枝莫自憐。

溪上

短布單衣一幅巾暫來閒處避紅塵低昂自看水中影好箇山間林下人

息軒楊祕監雪行圖

長路單衣怨僕僮無人說向息軒翁長安多少貂裘客偏畫書生著雪中

楊煥然生子四首

掌上明珠慰老懷愁顏我亦爲君開異時載酒楊雄宅知有迎門竹馬來

人家歡喜是生兒巷語街談總入詩我欲去爲湯餅客買

遺山先生集卷十二

三

羊沽酒約何時

半生辛苦坐耽書我笑先生老更迂生子但持門戶了玄談何必似童烏

阿麟學語語牙牙七歲元郎髻已了更醉使君湯餅局兒

童他日記通家

阿麟張君美兒子

記夢

天上材官老不材從教兀兀走塵埃夢中望拜通明殿曾

見金書兩字來

戊子七月二十四日內鄉往盧氏宿走馬平夜夢拜天帝像遂觀法駕導引畫幄最

前負弩三人中有金書小字題裕之者夢中不自知其爲子也

敝母后

書載塗山世共知誰傳頑石使人疑可憐少室老突兀也
被人呼作阿姨

雜著四首

白髮劉郎老更癡人間那有後天期茂陵石馬專相待種
下蟠桃屬阿誰
白髮中官解道詩殷勤仍爲惜花枝雪香亭上清明宴記
得君王去歲時
六朝瓊樹掌中春回首胡妝一面新生羨石家金谷裏千
年獨有墜樓人

遺山先生集卷十二

四

柳無情各自春

內鄉雜詩

行吟溪北復溪南風日烘人酒易酣無限春愁與誰語梅
花嬌小杏花憨

睂二首

香墨燒殘水麝塵內家新樣入輕勻郭熙只爲吳山老爭
信窗間有小顰
石綠香煤淺淡間多情長帶楚梅酸小詩擬寫春愁樣憶
著分明下筆難

送窮

煎餅虛拋瑤撒堆滿城都道送窮回不如留取窮新婦貴
女何曾喚得來

三鄉時作

山林鍾鼎不相兼說著浮名夢亦嫌菽水盡歡吾豈敢老
親自愛薺羹甜

出都

春閨斜月曉聞鶯信馬都門半醉醒官柳青青莫回首短
長亭是斷腸亭

癸巳五月三日北渡三首

道旁僵臥滿纍囚過去旃車似水流紅粉哭隨回鶻馬爲

遺山先生集卷十二

五

誰一步一回頭

隨營木佛賤於柴大樂編鐘滿市排虜掠幾何君莫問大
船渾載汴京來

白骨縱橫似亂麻幾年桑梓變龍沙只知河朔生靈盡破
屋疏煙卻數家

桑梓其翦爲龍沙乎郭璞語

登珂山寺三首

澹澹長空白鳥回江山都入妙高臺六龍只解翻溟渤不
駕東南日觀來

太山在東南而此山不之見

悠悠誰了未生前一落泥塗又幾年堪笑長清郭明府再
來仍被葛藤纏

長清郭明府自省夙世是此寺比丘及作寺碑宛然算沙語也

白日紅塵往復還
浪居那得似禪關
出門應被山僧笑
纔得雲林半日閒

夢中作

夢人請賦四禽語
其一泥滑滑也

春泥滑滑滿春山
嫩媿幽禽喚客還
安得便乘雙翼去
綠陰清晝伴君閒

奉酬子京禪師見贈之什三首

南風穩送北歸船
留得虛名一指禪
崧少詩僧幾人在
因君回望一凄然

舊遊重憶故人詩
一點青鐙兩鬢絲
不似戒壇明月夜
杏花裏唱歌時

往在崧山時陪馮內翰雷御史
遊戒壇詩中所道蓋當時事也

遺山先生集卷十二

六

兵塵千里邈相望
亂後相逢話更長
若見山堂憑借問
幾時同宿贊公房

杏花

桃李前頭一樹春
絳脣淡注蠟猶新
只嫌憨笑無人管
鬧簇枯枝不冝勻

聊城寒食

輕陰何負撥花期
白髮於春自不宜
城外杏園人去盡
煮茶聲裏獨支頤

姨母隴西君諱日作三首

竹馬青衫小小郎
阿姨懷袖阿姨香
一龕白骨黃河隔
遙

望梁門哭斷腸

病起拈鍼眼未花團圞兒女運司衙今年得在應猶健更好從頭說外家

寶鏡煌煌照九州埋藏曾及見諸劉酈城今日無雷煥紫

氣誰當辨斗牛

陽曲劉氏家大寶鏡能照天地四方以前知休咎其家埋地中人不得見也明昌泰

和中北方兵動渠父子欲卜之一日先以旒幕障中庭乃扇閉門戶甚嚴及掘鏡出光耀爛然一室盡明如初日之照鏡中見北來兵騎穰穰無數餘三方都無所睹因大駭曰不可不可即埋之姨母時伏牀下得窺鏡焉兵火後此家惟一兒子在姨母能指鏡處存否則不知也故予詩及之

宿神霄北庵夢中作

素月流空散紫煙座中人物半神僊麗川往事渾如夢信

遺山先生集卷十二

七

手題詩一泣然

夜雪

三更殘醉未全醒夢裏嬌兒索乳聲茅屋不知門外雪黃紬衾煖紙窗明

冠氏趙莊賦杏花四首

一樹生紅錦不如乳兒粉抹紫襜褕花中誰有張萱筆畫作宮池百子圖

文杏堂前千樹紅雲舒霞捲漲春風荒邨此日腸堪斷回首梁園是夢中

錦樹烘春爛不收看花人自爲花愁荒蹊明日知誰到憑

仗詩翁爲少留

東風誰道太狂生次第開花卻有情聞道紀園千樹錦一尊猶及醉清明

自趙莊歸冠氏二首

春華澹澹曉寒輕野草搖風半白青誰識杏花牆外客舊會家近麗川亭

杏園紅過雪披離楊柳無風綠線齊寒食人家在原野乳鴉牆外盡情啼

戲贈白髮二首

鏡中昨日又明朝破屋春深雪未消摘下數莖聊自笑貴

遺山先生集卷十二

八

人頭上不相饒

問愁何怨復何讎直要青春便白頭拚卻鏡中渾是雪且看渠待幾時休

戲題醉僊人圖

醉鄉初不限東西桀日湯年一理齊門外山禽喚沽酒胡蘆今後大家提

提胡蘆沽美酒禽語也

濟南雜詩十首

兒時曾過濟南城暗算存亡只自驚四十二年彈指過只疑來處是前生

匡山聞有讀書堂行過山前笑一場可惜世間無李白今

人多少賀知章

華山真是碧芙蓉湖光玉不如六月行人汗如雨西

城橋下見游魚

山水卷

吳兒洲渚是神僊
晝溪光碧玉泉別有洞天君不見鵲
山寒食泰和年

石刻燒殘讌集辭
雄樓傑觀想當時只應畫戟清香地多
欠韋郎五字詩

所來官樹午陰輕
湖畔游人怕晚晴一夜靈泉庵上宿四
山風露覺秋生

白煙消盡凍雲凝
山月飛來夜氣澂且向波間看玉塔不

遺山先生集卷十二

九

須橋畔覓金繩

入秋雲物便淒迷
一道湖光樹影齊詩在鵲山煙雨裏王

家圖上舊曾題

王清卿家有鵲山煙雨圖

荷葉荷花爛漫秋
鷺鷥飛近釣魚舟北城佳處經行徧留

著南山更一游

看山看水自由身
著處題詩發興新日日扁舟藕花裏有

心長作濟南人

題解飛卿山水卷

平生魚鳥最相親
夢寐煙霞卜四鄰羨殺濟南山水好幾

時真作卷中人

趙士表山林暮雪圖爲高良卿賦二首

颺颺林響四山風雪後人家閉戶中
應被火鑪頭上說水邊清殺兩詩翁

黃塵遮斷山間夢白髮重尋畫裏詩
好似玉溪溪上路醉和王老喚船時

倫鎮道中見槐花

名場奔走競官榮一紙除書誤半生
笑向槐花問前事爲君忙了竟何成

題劉才卿湖石扇頭

幽欄雲凝雨未乾曲池疏竹共荒寒
扇頭喚起西園夢好

遺山先生集卷十二

十

似熙春閣下看

聞歌懷京師舊游

樓前誰唱綠腰催千里梁園首重回
記得杜家亭子上信之欽用共聽來

鄭先覺幽禽照水扇頭

臨水華枝淡淡春水光華影兩無塵
風流一枕西園夢惆悵幽禽是故人

龍泉寺四首

懸麻白雨映層崖過盡行雲晚照開
可是登臨動高興馬頭新自太行來

泉石煙霞自一家殘僧隨分了生涯雞鳴山下題詩客曾到靈巖不用誇

河邊穀癩尙能飛無角無鱗自一齊甲子紛紛更兒戲壁

間休笑阜昌題

寺北齊時建又多劉豫阜昌中石刻并題名

繞渠寒溜夜潺潺說有蛟龍在石間可惜九天霖雨手一

泐泉水伴僧閒

李進之迺軒二首

白髮歸來世事新書生風味是清貧敲斜歷落從人笑潦倒麤疏我自真

舉世營營共一塗要來閒處費工夫入門且莫分賓主不

遺山先生集卷十二

十二

但君迺我更迺

出鎮州

汾水歸心日夜流孤雲飛處是松楸無端行近還鄉路卻

傍西山入相州

過邯鄲四絕

富貴榮華一嘆嗟依然夢裏說韶華千年幾度山河改空指遺臺是趙家

人事存亡不易知及時娛樂恨君遲後人共指叢臺笑二尺堯階竟屬誰

川原落落曙光開四顧河山亦壯哉前日少年今白髮只

應孤塔記曾來

死去生來不一身定知誰矣復誰真邯鄲今日題詩客猶是黃梁夢裏人

楊祕監馬圖

大青小青天馬姿楊侯房星非畫師忽見奚官記前事東華馳道晚涼時

竹溪夢遊圖

意外荒寒下筆親經營慘淡似詩人何時萬頃風煙裏白髮刁騷一幅巾

藥正卿餉酒

遺山先生集卷十二

十二

宿醒未解渴生塵驚見王宏餉酒人獨恨文書困佳客不來同醉五更春

王都尉山水

平林漠漠數峯閒詩在巖姿隱顯間自是秦樓畫眉手不能辛苦作荆關

贈絕藝杜生

迢迢離思入哀絃非撥非彈有別傳解作江南斷腸曲新聲休數李龜年

趙大年秋溪戲鴨二首

寒沙折葦浙江灣詩在波痕滅沒間前日扁舟人老矣卻

從圖畫羨君閒

畫家朱粉不到處淡墨自覺天機淡賣酒壚邊見崔白王
孫真有五湖心

米元章畫史補昌王友崔白但可爲酒家遮牆壁耳

自題二首

共笑詩人太瘦生誰從慘淡得經營千秋萬古回文錦只
許蘇娘讀得成

千首新詩百首文藜羹不糝日欣欣鏡中自照心語口後
世何須揚子雲

北歸經朝歌感寓三首

南來山勢漸坡陀蕩蕩川涂接大河馬上哦詩無好語聊

遺山先生集卷十二

十三

從白塔記朝歌

黃屋何曾土作階禍基休指九層臺書生不見千年後枉
爲君王泣玉杯

墨翟區區不近情回車曾此避虛名采薇惟有西山老不
逐時人信武成

外黃道中楚王廟荆公有誰合軍中稱亞父卻須推
讓外黃兒之句因爲范增解嘲

一怒屠城一說留書生剛爲范增羞軍中老子關何事付
與兒曹調沐猴

題蘇氏寶章

二老風流有典刑諸郎蘭玉映階庭峨眉寶氣千年在未
數陳家聚德星長公忠義似顏平原次公沖澹似林西湖
故字畫有不期合而合者最後數帖所謂
蘇氏三虎叔
黨最怒耳

劉氏明遠庵三首

豪氣元龍百尺樓功名場上蚤抽頭路人不識閒居士袖
手雍容活兩州

世間無物礙虛空宴坐經行一體同老眼不應隨境轉江
山元只在胸中

落落雲間晚照開上方別有妙高臺栽花種柳明年了拄
杖敲門日日來

遺山先生集卷十二

十四

題李庭訓所藏雅集圖二首

萬古文章有至公百年奎壁照河東衣冠忽見明昌筆更
覺升平是夢中

景星丹鳳一千年合著丹青與世傳誰畫風流王李郝大
河南望淚如川王謂仲澤李謂
長源郝謂仲純

南關二首

風裏秋蓬不自由一生幾度過隆州無情團柏關前水流
盡朱顏到白頭

路轉川回失繫舟更教兩驛過徐溝多情團柏關前水卻

共清汾一處流是日自徐
溝宿南關

馬坊冷大師清真道院三首

水際茅齋星散居
白雲閒伴五溪魚
茂林脩竹山如畫
蘸碧軒中恐不如

枯蒲折葦障清彎
十里風荷指顧間
安得西湖展江手
亂鋪雲錦浸青山

靜中人境兩悠然
我亦因君有靜緣
已約青山來枕上
水亭風榭看明年

惠崇獐猿圖

月嘯煙呼本不羣
筆頭同是一溪雲
野情山態令人羨
世路機關不似君

遣山先生集卷十二

十五

寄史同年二首

情話通宵慰別離
殷勤釀酒趁花期
沁南只道梅花蚤
猶軟歸程十日遲

相君許送買山錢
晚歲鄰居定有緣
一樹梅花一尊酒
知君東望亦淒然

宋周臣生子三首

試手君家助喜詩
秋風丹桂長新枝
昂霄聳壑他年見
水月同宮記此時

水月同宮五星家謂人以此時生者長必貴

玉季金昆世共賢
天將文筆付家傳
清新未要梅花賦
射

虎留看第二篇

鄉先生宋濟川以射虎詩著名

雛鳳來時鶴卵成兩兒前後不多爭
阿甯解語應須道猶是渠家百日兄

乞酒示皇甫季真

醉頭慵舉睡昏昏夢裏青旗雪擁門
枕上一杯風味好糟牀何處得茶渾

李白騎驢圖

入表神游下筆難畫師胸次自酸寒
風流五鳳樓前客枉作襄陽雪裏看

許由擲瓢圖

不知黃屋不知堯喧寂何心計一瓢
我是許由初不爾只遺山先生集卷十二

將盛酒杖頭挑

九月晦

松楸千里動悲哀說道回家蚤晚回
九月忽驚今日盡滿城風散紙錢灰

雜著

燒殘芻狗不能神一色貂裘繡帽新
好箇路傍官堠子經年端坐着行人

送窮

送君君去欲何之暫去還來也不辭
但媿苦無相贈物柳船輕似去年時

卽事

四長東州貢姓名阿茶能誦木蘭行元家近日添新喜掌

上甯兒玉刻成

甯兒叔開小字阿茶第四女字叔開

侯相公所藏雲溪圖會命賦詩三首但記其一云祖

道東門未有涯田君方駕入宮車祇應千古狼溪

路人說山中宰相相公以體重不任步趨詔許

駕小車至朝殿外門故余詩及之北渡後往東平

路經雲溪因爲之賦

黃山圖子翰林詩千里東州有所思前日相公門下客國

亾家破獨來時

遺山先生集卷十一

十七

陳德元竹石二首

一片春雲雨未乾兩枝新綠倚高寒瘦龍不見金書字試

就宣和石譜看

萬石綱船出太湖九州膏血一時枯阿誰種下中原禍猶

自昂藏入畫圖

同漕司諸人賦紅梨花三首

梨花曾比太真妃別有風流一段奇白雪爲肌玉爲骨淡

妝濃抹總相宜

茶話四文字對韻南風賦開小字阿

瓊枝玉蕊靜年芳知是何人與點妝可道海棠羞欲死能

紅能白更能香

吳子賢楞菴二首

人道楞形百醜全
我知道物向君偏
世間正有明堂柱
偃蹇風霜得幾年

廣莫初無匠后過
一丘一壑柰君何
世間正有明堂柱
春草輸巖較幾多

太一蓮舟圖三首為濟源奉先老師賦

老師吾宗盟

泠泠風外列僊臞
琢玉羊欣定不如
六合空明一蓮葉
更

須遮眼要文書

仙人在蓮葉臥看書

僊人甯得此婆娑
亾柰丹青狡獪何
我與太虛同一體
也無蓮葉也無波

遺山先生集卷十二

文

太一青藜出漢年
明窗開卷一欣然
憑君莫問題詩客
不
是韓駒第二篇

遊天壇雜詩十三首

芳樹陰陰鳥語譁
綠雲晴雪映紅霞
青山可是堪人恨
藏著中巖十里花

漫山白白與紅紅
小樹低叢看不供
總道查花香氣好
就

中偏愛玉瓏鬆

花名有玉瓏鬆

只願長城沒徹頭
豈知蒸土更堪憂
秦人若見千年後
抱杵臨洮老死休

遊秦溝

溪童相對采椿芽
指似陽坡說種瓜
想是近山營馬少
青

林溪處有人家

僂貓聲在洞中聞憑仗兒童一問君同向燕家舐丹鼎不

隨雞犬上青雲

仙貓洞是日兒子叔儀呼貓應者一土人傳燕家雞犬升天貓獨不去

諸峯羅列擁朝臺落日行雲一望開絕似太山山上看分明齊嶺是徂徠

空翠霏煙海浪濼鰲頭鵬背半浮沈不知腳底山多少還盡平生未足心

湍聲洶洶落懸崖見說蛟龍擘石開安得天瓢一翻倒躡

雲平下看風雷

時早甚故云

僂壇倒影鳳麟洲一道雲光插素秋也是天公閒不得海

遺山先生集卷十二

七

東移著海西頭

道民終不忘天台姓字依然在蜜崖爲問松臺千歲鶴白

雲何處不歸來

近歲盧氏蜜崖人迹不及處有題字云道民天台司馬承禎過松臺卽白雲老葬地

僂人龍躡玉爲鞭石穴留書世不傳弱水蓬萊三萬里青

山今古幾何年

近年人有得司馬先生石穴所藏丹經子獲觀于山陽

風期身後復身前一讀丹華似有緣入表神遊吾豈敢或

能搖筆賦壅天

擬著茅齋北斗平殘年細讀洗心經詩成應被盧仝笑曾

見青山養伯齡

盧仝送伯齡出山云伯齡不厭山山不養伯齡子以早當出山故自戲云北斗平在

天壇之後

初發潞州

潞州住久似并州身去心留不自由
白塔亭亭三十里漳河東畔幾回頭

雜詩六首道中作

鼠肝蟲臂復何辭坎止流行亦有時
已被吳中喚僮父卻來河朔作炎兒

隆州兵騎往來衝客路灰郊更向東
大似天教浣塵土數程都在水聲中

懸崖飛瀑駭初經白玉雙龍擊迅霆
卻恨暑天行過速不曾赤腳踏清泠

遺山先生集卷十二

三

黃華北下馬陵南佛屋燒殘有石龕
想是故鄉行欲近粥糜渾覺水泉甘

莊休通蔽互相妨鄉社情親豈易忘
司命果能還舊觀髑髏端合羨侯王

鄉關白日照青天徒步歸來亦可憐
袖裏新詩一千首不愁錦繡裹山川

